



22718

kal.konn

III Mag. St. Dr.

P





22718







S

J

2







# In Avita Insignia

JLLUSTRISSIMI  
&  
REVERENDISSIMI  
DOMINI  
PRÆSENTIS.

JLLUSTRISSIMI  
&  
EXCELLENTISSIMI  
DOMINI  
MARESCALCI.



I.

Hostibus in cædes, meritis in præmia velox  
Unum semper habet Cæsar utrinq; stylum

II.

Quo sensu, Cælo, Patriæ mens vestra laborat/  
Exarat æternis Cornea penna tomis.

III.

Dives Amaltheæ non jactet Græcia cornu  
Ex hoc tota suas Patria promittit opes.

I.

KCZEWSCIA quos terris impressit  
planta triumphos  
Porrecto cælis connotat ungue Levare.

II.

Et cælo & terris Leopardus porrigit  
ungues,

Ut Defensorem noscat utrumq; sibi.

III.


Defuerant Leopardæ Tuis quæ fortè  
coronis,

Illa Mareschalçus scipio Sceptra dedit.

22/18 III



857  
ILLUSTRISSIMI,  
REVERENDISSIMI,  
EXCELLENTISSIMI  
DOMINI.



IVE Illustres Generis  
Ceras, sive vivas Vir-  
tutum imagines in Vo-  
bis notemus, utrumq;  
aris & templis dignū  
advertimus. Divos Nominum  
Majestatem, & Tribunalitia in or-  
bem Lechicum potestate, adæqua-  
tis, Divorum honores non est par  
excusare. Non appingat licet sty-  
lus noster artifices probitati Vestrae  
radios, Meritorum tamen splen-  
dor, quo latè fulguratis in terras,

(I)

ma.




magna Vos Numina indicabit.  
 Minora his, quæ agitis, Altaribus  
 elevavit Antiquitas; imo Crimina  
 etiam, impiè devota coelis intulit,  
 & cremandis orco, thura cremavit;  
 nostram religionem quis arguat?  
 si virtutes aris attollamus, illosq;  
 superum locemus sanctuariis, qui  
 tot sudores elocarunt, ut superis  
 integra starent sanctuaria. Panthe-  
 on, quod aperimus, Mariæ jam no-  
 mine, & Vobis Numinibus conse-  
 cratum, à quo profundius coli de-  
 beat, quàm à nostra pietate? Ani-  
 mum ponderate, non quædamus.  
 Numinum natura, mentes æstima-  
 re, non munera; candor solus hic  
 pretium habet. Majores cùm nobis  
 desint Hostiæ, sudores litamus.  
 Inter tot luminum fulgores votivā  
 quoq; Cleanthis lampadem appen-  
 dimus. Folijs Deos ornari sæpius  
 audijmus: servient & nostra Hono-  
 ris Vestri Solennitati.

Ex voto

Devinctissimi Vestris Nominibus

Petricov: Colleg: Schol: Piarum.





# TRIBUNAL SANCTUM.



*I*nter veneranda Lechici  
Areopagi Numina, primā  
Divæ Virtuti Tuæ Aram  
ponimus. ILLUSTRIS-  
SIME REVERENDIS-  
SIME DOMINE, TRIBUNA-  
LIS REGNI PRÆSIDENS. Mi-  
norem quidem fatemur, quam ut sin-  
gulas Aboriginum & Meritorum Tu-  
orum Imagines capiat, dedignari tamen  
illam non potes more Deorum, qui ubi  
omnia summa quoque excesserint, in an-  
gustioribus adhuc tabellis, non tantum  
non erubescunt, verum gaudent etiam  
suam coli majestatem. Humiliores sint  
Jove licet Colossi, attolli nihilominus  
illis non semel ambiit, locatus inter Astra

A

Hercu-



*Hercules, erectas Honori suo non despe-*  
*xit quercus, & siderum ignibus in cælo*  
*illustris, votivas non deprecatur in ter-*  
*ris faces; major toto Latio Quirinus,*  
*Capitolinis post fata patitur, imò petit*  
*se arctari ædibus, minùs de Roma me-*  
*ritus, nisi Altaria Romæ mereretur;*  
*tanquam Supremis Nominibus non hu-*  
*milis accederet gloria, si infimorum lau-*  
*des & obsequia non aspernentur. Di-*  
*gnus coronâ radiorum Planetarum*  
*Imperator Sol, quod eâdem Principis*  
*vultûs serenitate, grossiores plebejorum*  
*sentium centones, & molliores patritij*  
*floris respiciat Purpuras, æquè clarus*  
*sive supra aureos subsistat montes, sive*  
*in cænosas descendat valles; eâdem gra-*  
*titudine applaudentes triumpho suo ex*  
*profligatis noctibus rauciores cicadas &*  
*argutiores acceptet alaudas, post ma-*  
*gnificaq; intra superbam Saturni regi-*  
*am hospitia, sub rustica Arietis & Ca-*  
*pricorni mapalia, aut agrestes Tauri*  
*caulas divertere nunquam dedignetur.*  
*Non tantum excelsæ lauri, etiam minor*  
*primi*



861

primi veris partus demissiores violæ  
ornant Apollinis Aras, sæpius ad majo-  
rum Numinum reverentiam extinctis  
luminibus, serviunt umbræ, scabrosæ  
conchæ debet suum Nitorem gemma,  
artifici maculæ suam gratiam facies,  
illeq; undarum Parens & Princeps  
Oceanus, nullo licet Gange ditescere,  
aut Vistulâ augeri queat, tenuiores non  
respuit rivos, tantò in aquarum regno  
sceptro sublimior, quantò ad minimum  
etiam profluentem sinu excipiendum  
suo inclinabilior. Patere & Tu PRÆ-  
SIDENS MODESTISSIME, post  
majora Tui Nominis elogia, minores  
Clientum Tuorum laudes, grandiores  
ad hanc solennitatem cùm desint nobis  
victimæ, leviora damus folia, quibus arā  
Honoris Tui coronemus. Decet  
ejusmodi sertum Virgines Tuas erga nos  
gratias, triumphatorq; Tuus Monoceros  
inter victricium palmarum educatus  
sylvas non potest Mercurij abhorre-  
re frondes, sub quibus vel rectefactorum  
cursu fatigatus respiret, vel illustrem



magnitudinis suæ umbram metiatur.  
 Amat illius cornu acumen, capitur Mu-  
 sarum formâ, nec tantum Hæmum, eti-  
 am Parnassum novit incolere, tam ad  
 Gradivi tubas, quàm Orphei tibias sa-  
 lire eruditus. Stylum, tamen nostrum si  
 spectes, nihil illo humilius, tantum iste  
 decrevit, quantum Tu immortalibus  
 crevisti factis; Serpit per terras, Te  
 magnarum alarum Aquilâ, supra or-  
 bem evolante; nunquam Tuo dignus  
 conspectu, nisi Te spectandum Tibi ex-  
 hiberet. Nec informitatem ejus erube-  
 scimus, narrare duntaxat, non ornare  
 Tuas virtutes volumus, non ignari sine  
 colore pulchriores. Comant alijs quibus  
 frons in pixide, apud nos ut amor, ita  
 panegyris fucum non admittit. Quoti-  
 es ergo indignitas Scriptoris delica-  
 tissimum Tuum offendet ingenium, ad  
 Te ipsum petimus oculos reflecte, con-  
 siderata Tua magnitudine, grandescet  
 & ille, ponderatis Tuis nunquàm satis  
 æstimandis operibus, gravior dicendi  
 character evadet, nullusq; apex vastis-  
 simum



simum non excedet volumen, cum Te  
 loquetur, qui omnia humana. & tantum  
 non Te ipsum, sapientiâ, famâ, & quod  
 istis omnibus rarissimum virtute exces-  
 sisti. Quid enim agis quod sibi fastos &  
 Annales non vendicet? egissent alij istis  
 minora. illo inter millenas Religiones  
 irreligioso antiquitatis ævo, dicam po-  
 tius egisses Tu (nisi Te nobis ad hæc usq;  
 tempora addictior servasset fortuna,) &  
 quærentur effigiando Divino Tuo  
 vultui ultra Pharon marmora, pro-  
 funderet India gratis aurum, ut ei tan-  
 tum prodigia Virtutum Tuarum inscul-  
 perentur; Spectareris in foro sublimis  
 Colossis Confusus, Colereris venerandus  
 pietate in templis Numa; Te naufra-  
 gia deprecatus in mari Typhis invoca-  
 ret, Tibi victoriam in bellis Hector  
 commendaret, Tuæ penates viator tu-  
 telæ proijceret; starent vacuæ Dijs  
 Aræ; Tuo duntaxat Numine plenæ,  
 pellerentur templis Apollines, ut Tu  
 oracula redderes; præriperent se Tibi  
 delubra, inviderent altaria, nulla ætas



*Te pro exemplo non proponeret, disce-*  
*ret levior indoles gravitatem morum,*  
*grandæva senectus Consilij prudentiam,*  
*confunderes liberalitate avaritiam, sa-*  
*pientiâ ruditatem, submissione fastum,*  
*audireris Romæ Juppiter, Athenis Ly-*  
*curgus, Delpho Cynthius, Te produce-*  
*rent theatra, declamarent exedræ, so-*  
*narent æra, Tibi Hostiæ litarentur, thu-*  
*ra cremarentur, Circi applauderent,*  
*nulla gens & nullibi Te suum Numen*  
*non vellet adorare. Non eventilemus*  
*venerandos Antecessorum Tuorum Ci-*  
*neres quantumvis & istis pulchrius no-*  
*ster expoliretur stylus, fracti non tam*  
*Annis, quàm obsequijs Patriæ quie-*  
*scant Augusti Manes, rudioribus non*  
*obstrepemus calamis, defixas immorta-*  
*litatis altaribus eorum non moveamus*  
*Icones, debetur hæc Divis Tuis Pa-*  
*rentibus à nobis reverentia; Sagum &*  
*Togas quas detriverunt non evolvamus,*  
*ultra Istrum & Balthidem victrices*  
*prolatas Aquilas non insequamur, ve-*  
*lociores illæ ad vota Poloniæ fuerunt,*  
*quàm*



865.  
quàm nostra penna in eorum encomia,  
arenas, quas calcaverunt, sudores, quos  
exhauserunt, tentoria sub quibus hye-  
mes integras ardentissimi zelo liberta-  
tis durarunt Flaminij, non inquiramus,  
unum Te Majoribus Tuis Majorem  
intueamur, & neminē ILLUSTRIS-  
SIMORVM FREDRORVM ter-  
ris abijsse, omnes in Te gloriosius quam  
olim supervivere advertemus. Pluri-  
mi ut altiùs surgant, Natales Cunas,  
& Patrum tumbas sibi adstruunt, nul-  
lo virtutis propriæ gradu sublimes,  
Ceris tantum Aboriginum illustres um-  
bræ, postquàm omnem gloriosi Nominis  
solem obscura vitiorum caligine extin-  
xerunt, ab occasu Majorum ortum illi-  
us prospectant, digni Promethei pænâ,  
famosi lucis alienæ fures. Tu Nobilissi-  
mis Prædecessoribus Tuis nihil debes,  
nisi quod Tibi præiverint, Aurora diei,  
si tamen prævisse dicendi, in quibus  
imitatione factorum vixisti; plura illi  
Tibi debent, ne enim simul moreren-  
tur gloriosis operibus effecisti. Descen-



derint quantumvis pridem inter angustias tumuli Augustæ animæ, Te nihilominus relicto nullibi nobis non occurrunt. Stant unà Tecum ad Aras; non unam meriti aram Infulati Præsules digni singulari Numinum de se cura, quorum singularis fuit cura Numinis honor; quiescunt Curulibus nunquam à negotijs Patriæ quieti Cives, insignes Purpuris, insigniores Majestatis amore, quæ ne toties bellorum turbine agitata ruiſſet, ipsi devotæ salutis publicæ victimæ non sine Corona gloriæ, in acie corruerunt: spectantur in Tribunali justissimi Areopagitæ, corrupto hoc seculo incorrupti Aristidæ, librant adhuc gravissima causarum momenta, nunquā innocentiae graves ipsorum criminum odium, virtutum amor, quas ut erigerent, vitia depresserunt, noxarum vindices innocentissimi, Superum Assertores, meritò ab injuria fatorum asserendi, Libertatis legum tutores, legibus conscientiae obstrictissimi. Illorum gloria est, quidquid agis, quid verò glorioſè  
 non



non agis? ut mutasse tantum Personam  
 non amisisse videantur; minime jam de  
 fama solliciti, quam à Te non solum fi-  
 deliter servari, sed augeri quoque ex al-  
 to, non sine triumpho è fatis contem-  
 plantur. Fuerit multorum encomium  
 ita exhausisse naturam, ut pares sibi non  
 potuisset eniti, nimis præsens, parum  
 futuri Nominis memores; in eadem  
 secum urna sui tumularunt memori-  
 am, nullibi visendi à nullo noscendi,  
 Tuis Majoribus maximum esto elogi-  
 um, talem Te genuisse, ex cujus vultus  
 caractere in bellis fortitudo, in pace  
 moderatio, inter adversa magnanimitas,  
 inter prospera eorum legatur tem-  
 perantia. Et hæc demum vera laus &  
 nonnisi Tua, ita Antecessorum jactare  
 titulos, ut deses Meritorum Nepos non  
 jaceat, ita Majorum Ceris inclarescere,  
 ut illarum non infumemus splendorem,  
 ita patritio rubere sanguine, ut dege-  
 nerem ab illo vitam nunquam erube-  
 scamus. Alias frustra extincta Avo-  
 rum resuscitatamus Cadavera, nisi No-  
 strorum



strorum animentur spiritu operum, nihil  
 præclari de nobis enuntiabunt Orbi,  
 funebrales eorum pyræ ut lucem Suc-  
 cessorum Nomini effulgurent ardore  
 Virtutum indigent succendi. Putridum  
 Nomen, quod à tumbis venit, debile  
 gloriæ ædificium, supra mortualem An-  
 tenatorum arenam, pyrio aut palæstri-  
 co non lethali manum pulvere anno-  
 rum metiamur Clepsydras, diutiùs flu-  
 ent; nemo nostrum vixit alteri, suis ge-  
 stis singulorū vita pingitur, nec speret fa-  
 stos qui factis caruit. Vetusta Inachi do-  
 mus, ne sæculorum consumpta teredine,  
 suā Nepotes ruinā obruat, novis recte-  
 factorum fulcienda basibus, fumosæ  
 Patrum Imagines, ut situm & mayo-  
 rem non contrahant fuliginem, vivis  
 filiorum coloribus debent illuminari.  
 Præstas Tu hæc omnia ILLUSTRIS-  
 SIME, REVERENDISSIME  
 DOMINE, eò cum majori laude, quod  
 plura immortalium gestorum relinquas  
 exempla, quàm ab Antecessoribus ac-  
 ceperis, daturus ampliora, si nulla inve-  
 nisses.



venisses. Non erubescit pro Te Patri-  
 tius sanguis, non pallent Palatinæ pur-  
 puræ, manet Nobilissimæ originis fonti  
 idem penes Te Candor, eâdem reve-  
 rentiâ, trabeatis fascibus, idem honor,  
 eadem Majestas similis priori, ut Tu  
 illi, hoc solùm difformior quia major,  
 læta quod ei tantus successeris, mæsta  
 quod Tuæ non meruerit ætati interesse.  
 Quæ in Te spectasset Virtutum prodi-  
 gia? videret ferreo sæculo, virum au-  
 reum, inter homines versari, & Nu-  
 men esse, miraretur honoranda agere,  
 nec honorari velle, popularibus attolli  
 auris, nec sentire, vix crederet, nisi à  
 Te id factum sciret, ad omnia Patriæ  
 munia prodire, & secum manere, colli-  
 gere ex hac arena amores, ex qua alij  
 odia metunt, & plena gaudio, emeri-  
 tum Tuum Caput ornaret laureis, illu-  
 straret radijs, ambiret Infulis, quæ nec  
 modo deesse Tibi possunt, si tam primum  
 foret Tibi illis verticem submittere, ut  
 ijs coronare. Magnum id moderationis  
 Tuæ indicium proferre digna Pontifi-



cijs fascibus merita, & illorum præmia  
 dignitates non acceptare; ( ignosce  
 PRÆSIDENS BENEVOLEN-  
 TISSIME Tuæ Virtutis partus est hic,  
 quem reijcis ) solem esse & lucem fuge-  
 re, supra omnes humanis plusquam fa-  
 ctis eminere, & adhuc se unum ex No-  
 bis cogitare; quis non obstupescat? In-  
 trudebat Tuis manibus jam toties Præ-  
 suleos Scipiones honor, sed Tu illas sub-  
 traxisti, certarunt de Te Cathedræ, sed  
 Tua modestia vicit, dabat ultrò Tibi  
 nostri ævi Gemmæ Chelmenfis Ecclesia  
 annulum, Tu sacra connubia repudia-  
 sti, etiam sine his vinculis Romanæ fi-  
 dei, & Polonæ Majestati obligatissi-  
 mus; Veniebat ad Te supplex cum Præ-  
 suleo murice Leopolis, Tu venientem  
 aversatus, ipso honoris contemptu hono-  
 ratior evasisti. Cum tamen Pontifi-  
 ciam dignitatem asperneris, mirum  
 quod illius ames officium, adeò, ut Præ-  
 sul sis munere, licet Præsulem dedi-  
 gneris agere dignitate; gloriosius ra-  
 tus, animarum quàm fortunæ lucris  
 inhi



inhiare. Impendis Tu totum Te quæ-  
 rendis ijs, dum ad levandos demitteris  
 conscientiarum casus, ipse humanis al-  
 tior casibus, dedoces crimina, ignarus  
 criminum, extirpas vitia, ut plantes  
 virtutes, magnus commissi sibi gregis,  
 major suæ vitæ Censor, confundis pluri-  
 mos qui emendant in se emendanda,  
 docent multos quæ nesciunt, verissima  
 specula, alienas maculas exprobrant,  
 suas non vident. Nec diu Tibi insu-  
 dandum ut Divini juris observantiam  
 subjectis persuadeas, ipse ejus observan-  
 tissimus, eunt omnes in partem virtu-  
 tis, quia Tu prius abijsti, nemò non  
 gaudet contendere, quò Te videt præ-  
 cessisse; nulli etiam profligatissimo crimi-  
 ni non placet probitatis Nomen, cujus  
 Divinam speciem pulcherrima in mo-  
 ribus Tuis commendant lineamenta.  
 Efficis itaq; exemplis momento illa,  
 quæ alij integris ætatibus, minis etiam  
 & facundiâ vocatis in suppetias effice-  
 re nequiverunt, præstas verò plura  
 quàm debeas, subtrahis tempus Tuis

D

negotijs



*negotijs, ut Tuorum saluti dones, non  
 ad subditorum necessitatis, sed ad pro-  
 priae virtutis & Pastoralis vigilantiae  
 libram, sudores Tuos & sollicitudinem  
 expendendo. Nemo Te adiit, quin me-  
 lior rediret, nemo audiit, quin sanctior  
 evaderet, recedimus à Te ut ab ara,  
 puriorem referendo animum, quam at-  
 tulimus, nec meminit quispiam se Ti-  
 bi locutum, ut cum magno Numine se  
 egisse non fateretur. Jam benevolen-  
 tiae Tuae quae in omnes profusio? quis  
 ille torrens gratiarum in Tuis Manibus?  
 nunquam aridus, semper exundans,  
 audymus exhauriri flumina, Tuam  
 munificentiam nunquam; ipsum Aegypti  
 altorem Nilum sitiisse multoties accepi-  
 mus, Tua liberalitas nemini defuit, nisi  
 prius illi defuissemus. Patet apertum  
 limen miseris, latius tamen pectus, non  
 horror limen obsidet, ipsae gratiae, ipsi  
 amores ad ostium excubant, venimus,  
 discedimus, cum volumus, non prohi-  
 bet fastus, non arcet Majestatis reve-  
 rentia, pulsat fores egestas, respondes  
 beneficijs,*



beneficiis; occurrunt lachrymæ; præsto  
 Tecum adsunt Solatia, nulla calamita-  
 te mobilior quam aliena: Moram quoq;  
 in subveniendo ignoras, postulamus;  
 tribuis, postulare non audemus? obtru-  
 dis; nunquam felicior, quam nostra feli-  
 citate, nunquam infortunior quàm no-  
 stris infortuniis, cumq; multa elargia-  
 ris, ut plura elargiri queas (quod Di-  
 vinum) moneri nos vis ut petamus.

Domi vero Tuæ quæ virtus domestica?  
 quod vitium non peregrinum? ædes Tuæ  
 probitati sacræ; non mensis luxus ac-  
 cubat, non nitet auro ostentatio, non tor-  
 pet cubili somnolentia, non inter samu-  
 lorum turbas insolescit dissolutio; ita i-  
 storum admittis obsequia, ut Divina  
 non impedias, amictu gaudes, quali vir-  
 tus, opes non amas præterquam animi,  
 suppellex non infra auctoritatem,  
 sed maior meritorum; sapiunt e-  
 pulæ, quas condit moderatio; tunc lau-  
 tissimè Te convivatum arbitratus, cum  
 omnia ad gustum fuerint rationis &  
 conscientiæ, adeoq; clarè patet à Te for-



tunam non Te regi à fortuna. Egressos  
 vestibulo Domus Tuæ permitte nos A-  
 reopagum Cui præsides ARBITER  
 INTEGRRIME subintrare. Ni-  
 hil insolens petimus, coronam Reginae  
 virtutum Tuæ Iustitiæ quam debemus,  
 reddimus. Quod si vilior sit, Tu in  
 causa, qui in tantum rectefactorum cre-  
 visti excellentiâ, ut nihil Te ipso majus  
 possit offerri, nisi Tu ipse Tibi offeraris.  
 Nec tamen illâ decet rejicere; cum &  
 superis non qui pretiosius munus sed  
 qui puriorem eorum delubris mentem  
 intulerit gratior videatur. Animum  
 tantum nostrum intueri, nihil illo can-  
 didius, quod si profundius illum scruta-  
 ri velles, nihil præterquam simillimum  
 Tibi ibidem invenires. Verum quor-  
 sum deviamus? en ad Tribunal Tu-  
 um Citamur. Quanta hæc nostræ The-  
 midis felicitas, visum quem malitiâ cri-  
 minum amiserat, diligentissimâ Tuæ æ-  
 quitatis curâ recuperavit. Non offendet  
 jam ad lapidem scandalii Tuo iudicio  
 oculatissima; non trepidabit ad vitio-  
 rû



rum assultus Tuo præsidio munitissima  
 evolabit altius fama nominis, decreto-  
 riâ Tuâ pennâ illam elibrante. Vrna  
 enim suffragiorum, quam versas, nunquâ  
 innocentie fatalis extitit, cum sortes non  
 jacias, nisi pro parte æquitatis. Da-  
 mnamus ad suas tenebras Lycurgos; ode-  
 rant ij lucem, tanquam virtus non pos-  
 set inclarescere nisi in umbris. Iustitia  
 Tua soles publicos amat, quid namq; la-  
 teat? quæ orbi Lechico exorta illustrâ-  
 do. Plurimi ut perplexos causarum  
 nodos resolverent, diu animo ab illis pen-  
 debant cumq; integras in evolvendis  
 hebdomadas consumerent, necdum consu-  
 mabant; Tu illos momento resolvis ve-  
 rus Alexander, etiam tot triumphis vi-  
 tiorum nobilissimus. Legent hoc sæcu-  
 la! fuisse virum legibus natum; qui ita  
 tractavit ferrum, ut non offenderet in-  
 nocentiam; ita lites composuit, ut æter-  
 nam inter virtutem & scelus litem re-  
 linqueret; sententiæ nulli subscripsit, quâ  
 cælum non probaret; muneribus nunquâ  
 manum porrexit, ardore auri pupil-  
 lam



lam ledi æquitatis non ignarus. Et de-  
 cernentur Tibi Sacri Honores, litabunt  
 ingenia laudes, laborabunt imprimen-  
 dis operibus præla, aderis semper in cu-  
 ria præsens, reis flagellum, reatibus hor-  
 ror, innocentiae Asylum, æquitati honor,  
 cumq; nullibi fueris, ubiq; eris, obver-  
 saberis oculis singulorum, singularis mo-  
 rum idæa, de Te primi in confessibus ser-  
 mones instituentur, dicêris pro levami-  
 ne oppressorum, memoraberis pro sola-  
 tio lachrymarum, intrantibus Iudicio-  
 rum Aulam occurre, recedentibus nun-  
 quam dignissimâ Tui memoriâ receden-  
 te assistes, nihilq; in hoc augustissimo A-  
 reopagi senatu statuetur, priusquam  
 Tuæ probatissimæ Iustitiæ & in ambi-  
 guis nunquam ambigua Prudentiæ e-  
 xempla consulantur. Et hic tantisper à  
 Te avelli cogimur, si tamen avelli pos-  
 sumus, quem ubiq; animo circumferimus,  
 patere nihilominus saltem calamum a-  
 volare, quem æmula Tribunalitiæ Tuæ  
 potestatis avocant Nomina, ita de illis  
 scribemus, ut Tuæ legantur Virtutes ;  
 quid



817  
quidquid de aliis dicetur, de Te dici ex-  
istima; cum enim omnium Merita  
possedisti, à nullius laude excludi debes;  
Ipsorum encomia, Tua sunt; ex his e-  
nim metimur, quantus esse debeas, qui  
Tantis præsidere & nonnisi rogatus  
meruisti.

Abijcite calamos Oratores:

elogia quæ paratis

ILLUSTRISSIMO REVERENDISSIMO

VICE PRÆSIDENTI

PATRITIA Illius elegantius scribet *LITERA*.

Una volumen laudum.

Annales quotquot Polonia habet  
omnes implevit, omnes excessit:

Periodi nescia;

nisi quam aut hostium vitæ, aut Criminum viæ præfigit.

Triumphalibus saxis insculpta:

Statutis Consiliorum inserta:

Legum tabulis impressa;  
ubique legenda; nullibi lugenda.

*Character iste virtutis est.*

Notat nomina sine nota.

Ne minus valuissent,

*Maxima quoque Capita hæc scribi voluerunt.*

JACOBO SIENINSCIO

à Vavello ad Primatiales profecturo Mitras  
commendatorias scripsit, & profuit.

Quàm gloriosa Domus vestra contineat opera,  
ex Nobili Titulo discimus.

*Maiestas Vestibuli magnificentiam loquitur palatii:*

E2

Hu-

*Familie  
insigne De:  
bno.*

*Ex Episco:  
po Cracov.  
Primas  
Regni.*



*Humili fronte excelsæ non resident mentes:*

*Maiorum fluminum altiores margines.*

*Palmare quoq; Crucis Insigne*

*in signis Vestra gloria,*

*Partiti pro Ecclesia cum Numine bella;*

*Numen Vobiscum partitur trophæa.*

*Etiam hæc Vestro Sanguine purpurata;*

*Salutem portat Lechiæ.*

*Ill: Rev:*

*Vice Præs:*

*Insulatus*

*Laj. c. sis*

*Testem Lascensem Insulam invoco,*

*quam imples capite, excedis meritis.*

*Vile pretium Præfulis annulus sine Virtutis gemma;*

*Pulchrior byssus penes candorem mentis;*

*Animi quàm auri radiis clariùs fulgurant aræ.*

*Permitteres sudores Tuos colligere;*

*darent encomiorum Oceanum.*

*Nomen Ill:*

*Rev: Do*

*minicus*

*Frustra Thesaurus Christi fures timet,*

*Gusmāni canis in Sieninscio fideliter pro illo vigilat.*

*Tot iam Cælo cæpit prædas*

*ut Cælum vix capiat,*

*Venator animarum.*

*Areopagi denique tenebræ*

*Dominici face illustriores,*

*Eiulate Crimina!*

*Patrona vestra iniquitas in agonia;*

*en mortualis ei cereus porrigitur.*

*Fallor:*

*festum diem agit iustitia;*

*Cuius altaria*

*Votivis Nominis, & virtutum illustrat ignibus*

*SIENINSCIUS*

*Verùm quorsum jam trahimur?*

*Illustrissimi & Reverendissimi Kuczynscy*

*Gentilitiæ Stylum vellicant Manus.*

*Debemus Illis encomia.*

*agunt plura quàm debeant:*

*Ex Capitu-*

*lo Leopok:*

*Domus*

*Stemma*

*Ogonczyk:*

*nun-*



*nunquam ligatæ nisi libertatis obsequio.*

Antiquitatem Generis quæris:

Lineas illarum vide.

*Si Gradivus & Minerva iterum nascerentur,  
hoc procreari vellent sanguine.*

Istis gestata, major crevit Lechia.

Otiosas nemo spectavit,

vel superis aras exstruunt, vel Patriæ theatra.

*Suffragium Virtus ab ipsis semper accepit,  
Vitium nunquam impetravit.*

Nullos Poloniæ casus non levarunt.

Nullibi minus laboravit ambitio:

Sederunt Curulibus, quas sibi fabricarunt.

maximis ornatae fascibus, majorum capaciores.

Reddita sibi munia tam fideliter,  
quàm gloriosè retinuerunt.

Liberalitatem earum expende:

publicum indigentium dices ærarium:

Plures aureos formârunt homines,  
*quàm Deucalion Saxeos.*

Nilum gratiarum credas;

*Non una hic naufragata egestas  
emersit ditior.*

Classica fonant? telo armatae

hostem feriunt; amorem referunt.

Fractam tamen Sagittam ne stupeas:

*Barbarorum pectoribus maior pars hæret.*

Non sine annulo; quia non sine fide:

tantum nihilominus pretium

cùm inter Cœlum & terras divisissent

*integram servant gloriam.*

Dirigunt & nunc cæcam Astræam

*In Illustrissimo & Reverendissimo Domino*

*Boguslao KVCZYNSKI.*

Sors magna Justitiæ suas ab illis sortes versari.

Proijce Te in eas innocentia,

F

Stabis



Ex Capitu-  
lo Cracovi-  
ensi Ill: Re:  
Ludovic:  
Siemiracki.

Avita Ar-  
ma Bialynia

Stabis firmior:  
*Nemo hanc dexteram apprehendit,  
 quin fidem acciperet fortuna.*  
 Armis assveta,  
 etiam nunc Tullio porrigit  
*Gentilitios Siemiracciorum Enses.*  
 Domus hæc Martis;  
 in castris nata, in castris adulta:  
*tam cunas ei quàm tumbas sternit Bellona:*  
 Prælia quæ incæpit, victoriis terminavit:  
 Soles quos vidit, illustravit triumphis:  
 Ferro vivit tota Aurea.  
 Vaginam illius Mucro non novit,  
 vel in throni vel in legum tutelam  
 semper vibratus;  
*tunc reconditur cum hostes condit.*  
 Percussa isto Chalybe Rhodope,  
 dedit Patriæ lucem gloriæ.  
 Capitolia tot erexit, quot barbarorum capita truncavit;  
*dignus altaribus altarium vindicator.*  
 Turcarum fixus pectoribus  
 primo illis corda, postea ademit vitam:  
*timendus maxime, quod minime timeret.*  
 Fulgore extinxit orientem  
 Maurorum fulgur,  
 Lunæ amicus sed Domesticæ;  
 Nihil ei commune cum illa, præter lumen.  
*Noctes diem ipsi accendunt,*  
 inter istas vigilat, ut hostes sopiat.  
 Nodos etiam Causarum resolvit dexterrimè.  
 in dubiis nunquam dubius:  
 incertum relinquit,  
*acutiorne sit in succidendis Collis, an decidendis litibus.*  
 Videt id in Te orbis  
*Illustrissime Reverendissime Domine.*  
 Quoties Justitiæ voluerit Posteritas Imaginem,  
 ex Lu-



ex Ludovico pingetur.  
Nulla virtus Patronum, nullum crimen Iudicem  
Te non experitur.

*Aliam non daret Numen sententiam.*

*æquè mitis ac metuendus;*

tam Clementiæ in reos, quàm Iustitiæ in reatus,  
Vestigia Judiciariæ arenæ imprimis.

Verus Areopagita:

*Sine oculis, sine manibus*

non sine lumine; non sine palmis.

*Avitum Tuum fidus ut non laborat respectu,  
ita iuvare ære non indiget.*

Placent pretia sed famæ.

*auri sonitu non ignarus obtundi aures æquitatis.*

Tandem in laudum Tuarum portu

*Illustrissimorum Labecciorum*

Triumphalis nobis occurrit Argo.

*Diis Sacra Deos vehit.*

Una in malorum salo Poloniæ salus.

Non regitur, & non errat.

nata servandæ publicæ Vitæ; natat inter mortes.

Quòd magis mireris!

*Maximis motibus immota,*

*Nullâ regni fluctuat tempestate:*

fide Regum, amore legum obfirmata.

sine velis, sine remis, velocissima

navigat ad Patriæ vota.

Balthidem, Tyram, Borysthenem, emensa.

*ubiq; Lechiæ quietem quærit, nullibi quiescit.*

Pyratas tamen Scythas experta:

Stitit, cursum ut illorum fisteret excursionem.

Quocunque appulit, coronam invenit,

*Coronidem operum nullibi.*

Pavorem Podoliæ Cosacos, impavida fugavit,

*& illis lupis viridis Leones obiecit,*

Sæpius mersa, nunquam naufraga.

Ex Capitu-  
lo Cracov:  
Ill: Rev:  
Michael  
Łabęcki.

Patritium  
decius Korab



marginem vitæ hostium, pro littoreprehendit.

Redimijt illam Cracus Ducibus Mitris,  
& pro antennis Præfuleas donavit tenias.

Quid portet, ne quæras:  
aut marmora, aut Heroas marmoreos,  
qui vulnere non sentiunt nisi Patriæ,

*Utrumq; triumphale.*

Si Phidias Alexandrum sculperet,  
*bunc lapidem eligeret.*

Ad istud saxum toties offensa Moschovia,  
semper pedem retulit.

Tot DOMI TUÆ Colossi  
*Illustrissime Reverendissime Domine,*  
Sed Tu ipsis altior.

*Heres Sanguinis; verior virtutum.*

Marmora Tibi domestica,  
& imprimenda illis trophæa.

Augustam invenisti Familiam,  
*meritis fecisti ampliorem.*

Tantos Antecessores Tuos quis fuisse crederet?  
*nisi Tu fidem omnibus adstrueres.*

Nominis, & Themidis armatus mucrone  
Utrumq; dum pro Justitia stringis,  
*Cælum, Poloniam, Posteritatem Tibi obstrinxisti.*

Provehere in altum Honorum  
Nobilissima Centaurus!

en vicinum *Wysocciorum* præluet fidus.

Genus nullum hoc illustrius:  
radiat titulis, clariùs factis:

Astra ornat, astris ornatur.

Vetustatem desideras?

*Sidera coeva numerat.*

ista defint;

Orbi sufficiet illustrando.

Debent illi

Majestas Joves, Curia Mercurios, Castra Martes  
*in una*

*Ex Capite:  
Vladisl. Ill.  
R. Franc:  
Wysocki.*

*Stemma  
Leliva.*



*in unâ stella tot Planeta.*

Omnes fixi; omnes mobiles,  
*Sive fata impetant, sive Lechia subsidium petat.*

Casus ignorant, nisi hostium)  
vix isti concurrunt; illi discurrunt.

*Trhono Colligati, libertati serviunt.*

Lunam adhuc vide:  
nemo hanc vidit mutabilem;

Pallet tamen & rubet;

*Curarum Patriæ & vindictæ barbarorum  
isti colores.*

Consanguineos nisi soles non admittit.

Stationem frequentius nullibi habet,  
quàm in domo Martis; vel Mercurii.

*Vndas amat, undantes animos odit.*

Quot fortes tibi occurrent,

Ad illorum natalem hoc astrum concurrisse cogita.

Credimus aquas ab ipsa moveri;

*Istri fluctus sæpius vertit retrò.*

Ne Justitia ad petram scandali offenderet,

Tuo fidere petiit illuminari:

*Illustrissime Reverendissime Domine.*

Paveant hunc radium Criminum noctuæ.

Aquila Polona illo obtutum pascit.

Non accendimus Cleanthis lucernas;

*Domesticis astris satis es clarus:*

Quod Tua aurea probitas,

Cremenecensis probat Lydius,

Pulchrum id in Te

*Nec Virtutibus Tuis Insulæ, nec Insulis desunt virtutes.*

Vitiorum horror, meritorum honor;

*illorum fastidio, istorum fastigia meritis:*

*deformitatem aliorum vitæ, difformitate Tuæ corrigis.*

Sonat clarè Ecclesiæ fides,

quam Tu harmoniâ morum instruis.

Efficacior hæc Orphei lyrâ

G

en ad

In Sereniss.  
Sobieski  
Nominis

Insulatus  
Cremenec:



Ex Capit:  
Płocen: Ill:  
Rev: Adal:  
Strzeżew-  
ski.

Stemma Lu-  
bicz.

en ad ejus mentionem  
Soleata STRZESZEWSIORVM nomina  
paginam infiliunt.

*Ita Gradivi amant incedere:*

Gemmis digni, ferro contenti

laurum quærunt non aurum:

tam in fortunæ glacie, quàm in Bellonæ acie

Non horrent lubricum, Asiæ horrores.

Contritam isto Chalybe Rhodopen

pænituit insolentiæ:

*fudit lachrymas & Sanguinem.*

Ubicunque stetit:

lætissima victoriæ, latissima gloriæ reliquit Vestigia:

Percussit Hæmum?

Semper Patriæ solatii scaturiit torrens.

Descendit in consilii arenam?

rosæ floruerunt, sine rubore, sine spinis.

Nec poliri amat nisi Scythiæ Cineribus.

Artificem ejus vis nosse?

*Mars illam fabricavit.*

Ascensurus Capitolium; hæc animum obfirmat;

toties belli successu solatus Poloniam,

quoties ita processit soleatus.

Nemini præterquam levitati hostium gravis

istam deterit, nunquam deterior, nunquam detrita.

Metam illi nullam præfixeris;

*ultra orbis limites excurrit; limitem non reperit.*

Cespitare nescia,

tegit barbaros cespite, dum terit.

Quàm celer sit; consule;

*Illustrissimum Reverendissimum*

ADALBERTVM STRZESZEWSKI

*Virtutis nulla est via quam non calcaret.*

Płocensis Capituli Cancellarius

*pennam tractat absq; famæ pæna.*

Cathedræ oraculum:

*ut*



*ut Ecclesiae fundet securitatem, fundit consilia.*

Judex Tribunalis  
*ab omni respectu alienus*  
*oculatissimus Iustitiae Custos.*

Aram æquitatis ut Numinis accedit  
 mundis à Gangis limo manibus.

Certa iam triumphi Themis  
 cui soleam in arcum flectis:

Avitæ Cruces

*Illustrissimi Reverendissimi*  
 HYACINTHI GASOWSKI  
 trophæa erigunt.

Salutis id signum  
 contra Patrias duellat mortes,  
 Quoties illo frontem; vel pectus  
 muniit Gradivus;

*Tartarus toties terga vertit.*

Nullas Mæothis exhalavit Nubes,  
 quas non fugaret.  
 Templis Altaria, Castris ornat vexilla.  
*ubiq; adoranda:*

*Sive illi corda, sive colla sternantur.*

Falces ei annexæ

Parcarum sunt arma.

Illis edomitæ hæc pro manubiis relicta.

Nec manus vacuas

ferro gravis, casus levat Poloniæ.

Tot laureas nexuit

quot bella dissolvit.

*Sive hostibus fata sive Patriæ vitam dispensat*

*Semper liberalissima.*

Antidota quæ propinavit,

ægro Reipublicæ corpori profuerunt.

Venam incidit Turciæ?

desijt infana furere.

Midæ dexteram crede; anique?

*ferrea secula reddit aurea.*

Cala

*Ex Capitu-  
 lulo Luceor.  
 Ill. Rev.  
 Hyacint:  
 Gasowski.*



Calamum quoque tractare docta:  
Scribit Nomina, proscribit Crimina.  
Ignosce, nullas Tibi laudes concinnamus:

*Illustrissime Reverendissime Domine;*  
qui elogia Tua voluerit legere  
Opera Tuæ manûs videat.

*Oratoris luminibus non indiget Virtutum splendor:*  
*Probitas cum prædicanda agat, erubescit prædicari.*  
*Vnicuique sua facta fastos scribunt.*

*Dives meritorum animus non mendicat encomia:*

Digressos itaque Domûs Tuæ Atriis,

*Illustrissimi Reverendissimi Domini.*

HIERONYMI JAŁOWICKI

Triumphalis invitat Porta,

Hæc terras ingressi Heroes,

*aut Martes, aut Consi,*

*lauros plantant, oleas decerpunt.*

Dùm fines propugnant Poloniæ; fines gloriæ nesciunt.

Domi propugnaculum habent,

ex hoc vix advertunt hostes; divertunt.

Limites prætergressa barbaries,

*in isto limine fato torpens hæsit.*

Commune id Præsidium

quos recipit, dimittit audaciores.

Saxa extruendæ non quæsita,

*Cæsarum Scytharum ossa hanc molem componunt.*

Nunquam aperta,

quin Asiâ peteret indulgentiam.

Ad templum honoris hæc iter,

patet ostium, si virtus pateat:

Cruci Sacra

*Criminibus nunquam præbuit aditum:*

Astræa quoque hic securior,

Cujus fidelem geris Custodiam.

*Illustrissime Reverendissime Domine.*

Sæpius libram suam Tibi commisit

*ab iniu-*

Ex Capi-  
tulo Premis.  
Ill. R. Hier.  
Jałowicki.

Deputatus  
Judex Tri-  
bunal: ali-  
quoties.



*ab iniuria semper libera.*

Certa valoris innocentiae,  
Cuius prima apud Te novit pretia.  
Affabilis omnibus, præterquam vitiis.  
Largus gratiarum, parcus irarum,  
Beneficia spargis, affectus colligis,  
*Tu causam virtutis,*  
*Honoris Tui Virtus Causam agit,*  
Procedes ad Infulas,  
qui tantum processisti meritis,  
Dabit suffragium probitas,  
Cui Tua vota non subtrahis:  
Petêris ad purpuras Candidatus,  
qui non erubescenda pro Candore Patriæ præstas.

Quid tamen moramur?

proximus JALOVICCIORUM Portæ

Nobilissimus HOSIORUM Pes:

obviam illi prodeundum.

Date Romanæ Aquilæ pennas,  
Magnorum Patrum, Cardinalium, Præfulum,  
Scribimus merita.

Quanta egerint; nemò quærat;  
*implerunt Orbem Nominibus, gestis excesserunt.*

Cathedras, Curules, comportate,

*Surget amplissimum gloriæ theatrum.*

Testimoniis non indigent:

Pontifices, Cæsares, Reges, dum Eos audiunt,  
*clarissimè pro Eorum perorant memoria.*

Calamos in proscribendis erroribus attritos cōgregate,  
ultra Cælus evolabunt.

Hæreseos Fulmina, Religionis lumina,  
Majestatum Columina, zelo, prudentiâ, dexteritate  
tonuerunt, fulgurarunt, succollarunt.

Vidit illos CAROL: V. & Latio Viros invidit.

Ex FERDINANDO

dum pacem Ecclesiæ propugnant, triumphant.

H

*sem-*

Ex Capit:

Culm: Ill:

Rev. Stan:

Hofius.

Stemma Per  
bumanus.



*Semper vigilēs, ut Fidei quiesceret pupilla.*

Steterunt in Vaticano, & Schismatum consedit furor.

Audivit Mercurios Roma, Galeros concessit:

Experta Protectores, donavit Pallium.

Concilia rexerunt, in nullo corrigendi:

Moverunt Purpuratorum Rotam, citra errorem.

Submisit illis & Lechia fasces:

*acceperunt Insulas, reddiderunt merita.*

Varmia Pastores;

dispulerunt lupos, congregarunt oves:

*amputata ab Illis Criminum capita; melius senserunt.*

Tantis Nominibus succedis

*Illustrissime Reverendissime Domine.*

Ad eorum mensurā, Tuam expendimus magnitudinē.

Sublimis Antecessorum meritis, sublimior Tuis.

Celsissimi Ducis Severiæ Causarum Auditor

Sapientiolem Curiam effecisti.

*Nulla Vmbra Tui lumen ingenii effugiunt,*

*Quæ dictas, cæli subscribunt;*

*quæ scribis, approbant.*

Principis Personam, Principem virtutem refers

utrique simillimus.

Splendor Poloniæ; exteros soles quæsiisti,  
reliquisti majorem Claritatem; quā accepisti.

Non sufficit tibi Patria gleba,  
ex tot terris legisti gloriæ messem.

Obæratuſ Honor dabit Mitras;

*tanta pretia non decet sepeliri:*

*Sol angulos non amat:*

*Aquile in alto nidificant.*

Expendit multa in Aborigines dignitas

Sed non omnia,

*Sub Petri clavibus, & Virtuti Tuae servat premia.*

Numam Religio agnoscit; debet Capitolia.

Præfulum obis munia, fedebis inter Præfules.

*Ligandum Caput tenuis, quod laborat pro Ecclesia,*

*Merito-*



*Meritorum pondus Pontificii Scipiones fulcient.*

Sed quis Tuum assequatur Calcaneum?

montes excedit & mentes.

Penna illuc non evolat: ubi stetisti.

Aventino sublimis, minaris ingenio casum.

In planiorem itaq; ZERZYNSCIORVM descendimus

Campus hic, Martis cultus gladio,

(arenā. *rzynski.*

*Sementem non admittit præter ferream.*

*Rigatur pluvîa sed cruentâ,*

Spem Patriæ nunquam elusit, hostibus semper illusit. *Stemma Ia-*

Reddit plura, quàm accepit. *nina.*

Fæcundus virtutum, sterilis vitiorum:

Mortibus fatus, vitam progerminat,

*æquæ frugifer,*

*Sive hostibus taxos, sive Lechiæ profert palmas.*

Nullis collibus tumet, nisi meritorum.

Declivis in Thraciæ fata:

*inevitabilis Scytharum tumulus.*

*Clypeo quoque angusta Domus.*

Ecclesiam, Maestatem, Poloniam,

Uno tres

Ornat, protegit, defendit.

Ancile dignum aris:

*Servatum, Patriam servat:*

Cælo demissum, tutelam Cœli non dimittit.

Persei scutum crede:

*quot illud hostes viderunt, in lapidem obriguerunt.*

Nomina Heroum insculpta gerit, & facta.

*Minervæ hæc Parma*

Æthera pulsant Titanes, istam Juppiter rapiet.

obiecta telis, Gigantes deiciet.

Nec Astræa Criminum sentit jacula

*Tuo protecta Umbone*

*Illustrissime Reverendissime Domine,*

Sub hoc obtentu secura æquitas.

*Notarunt illum merita, notabit & fortuna.*



cui pennam subministrat  
PATRITIVS KARSNICCIORVM ACCIPITER:

Ex Capit:  
Kijov: Ill:  
R. Andr:  
Karsnicki.

Ferrum levat, ferro levatur.  
Vestigia quæ terris virtus impressit,  
ille cælis coronanda offert.  
Ales rapacissima, sed hostium,  
*istorum cadavere vivit, ipsa Lechiæ vita:*  
*tunc non absq̃ fame cum absq̃ fama,*  
Infesta Scythiæ Harpijs, ut illæ nostræ Aquilæ.  
Prædatrices volucres prædatur.  
Sono ferri hostes prodit, & perdit;  
*Illa tam Cassibus quàm casibus invicta.*  
Nidum Palmæ & Lauri ei sternunt.  
super istas quiescit, de istis sollicita.  
Captiva & libera  
Patriæ servit; in barbaros sævit,  
Solem amat, Orientem odit,  
Cave Tibi Turciæ;

*quas Compedes vides, Tuo furori servat.*

*Antidotum Poloniæ;*  
*excusso alis Martis pulvere, sedat timorum febris,*  
Plinius  
Pro Cruce vigil, Crux vitiorum;  
huic annos impendit; ut illis adimat.  
Non credes? dabit testimonium

*Illustrissimus Reverendissimus Dominus*

ANDREAS KARSNICKI

Vir Cujus tutelâ vires resumit probitas.

Aras ornat, aris dignus.

In hoc morû speculo videt Ecclesia mendas & emēdat.

*Dum exempla ferit, Divorum honorem asserit.*

Orator pro Numinis Domo  
disertus facundiâ, disertior factis.  
cum supra neminem Virtute non emineat  
modestiâ infra omnes demissus.

*tantum lenis probitati, quantum sceleribus acer:*  
ubique radios meritis,

Sol



Sol virtutum: vitiorum fulgur.

Debetur tantis operibus corona.

redimiendis Polonia; Religio, Astræa contribuent,

en illam Tibi Symbolisat in suo circulo

AVITVS ZŁOTNICCIORVM PRAWDZIC.

Sphæra hæc Deos tantum capit;

*Martes, Mercurios, Apollines si quæras, in illa invenies.*

Astræa quoq; terris profuga, huc se recipit.

Vacuum ne credas orbem

*Nominibus & meritis implerunt istum Prawdzicii*

Sub tali signo nata Domus

omnes ætates, sæcundas æstates numerat;

Nunquam sine virtutum messe.

Quoties tamen exarsit Mæothis, semper exaruit.

*Terret ignibus non terretur.*

*Amicus flammis quas Martius accendit silex.*

Tanta Generis pretia;

in tam firmo decet servari propugnaculo.

Quantum vestra aurea valeant Nomina, ex Te colligimus

*Illustrissime Reverendissime Domine.*

Familiæ valorem auges meritis:

*Dives nomine, ditior rectefactis.*

æquè in templo, ac in Areopago justus

utrique divisus obsequio, integer conscientia.

Gentilitio præsidio, solas virtutes recipis.

Verus Nicolaus;

*Aureis exemplis, redimis damna Innocentia.*

Profundis sudores, ut extinguas vitia;

Totus in parte æquitatis.

Ingrata sit Patria,

Nisi tanta infulis coronet merita.

Metam encomiis ZŁOTNICCIORUM daret circulus

ni importuna mors pro scopo saxum parentale

Da lachrymas Curia? (obtruderet

*Parva petit qui magna præstitit.*

*Illustrissimus Reverendissimus Dominus*

*Ex Capit:*

*Camen: Ill*

*R: Nicol:*

*Złotnicki.*



STANISLAUS KOSTKA GŁOSKOWSKI

*Archidiaconus Pofnaniensis**S. R. M. Secretarius**ad Tribunal Regni***JUDEX DEPUTATUS;**

qui ne ullam præteriret, supremâ quoq; legē implevit.

Vir Religioni &amp; Patriæ natus

Annos omnes utrique, sibi nullos vixit;

*Obiit Regni munia ad obitum.*

Innocentiæ Tutelarix

cujus dum vitam quærit, suam mortem invenit.

Heu nimis ingluviosa fata estis!

*etiam Kostkæ non pepercistis**Gemmamq; à tot Præfulum Mitris ambitam**ut sorberetis, in pulverem detrivistis.*

Metire orbis

*Tanti Magnitudinem sideris ex umbra*

ut lucente nemo non plaussit,

ita occidente nemo non plangit.

Templa Numam, Curia Lycurgum, Polonia Civem

unâ pupillâ, unicum omnium Jubar deplorant.

Januarius primus anni mensis

*illi ultimus extitit,*

Judicemq; ad supremum Tribunal citavit,

Discite Areopagitæ!

*ita ferre sententias tanquam ultimam audituri*

Vos vero parentalia filete æra

*etiâ sub hoc marmore Nomine & factis vocalissimè auditur*

G Ł O S K O W S K I.

**P**ost lustrata tot nobilissimarum  
 Familiarum Atria, Augustum  
 Domus Tuæ limen iterum supplex adit  
 oratio **ILLVSTRISIME REVE-**  
 REN-



893.

RENDISSIME DOMINE Tri-  
bunalis Regni PRÆSIDENS. Mul-  
ta ibi vidimus, plura oculos tantæ lu-  
cis incapaces, & breviorē illorum  
amplitudine memoriam effugerunt :  
offerebantur nobis Patritiis nonnullo-  
rum Literis plena meritorum inscri-  
pta Volumina; obviabant frequenter  
triumphales currus & super eos subli-  
mes in manibus victoriæ Cruces; spe-  
ctavimus alios hostilibus incumbentes  
gladiis, casu suo barbarorum oppri-  
mere superbiam; aliorum abrepti famâ  
sub concavo Lunæ erravimus; occurre-  
bat sæpius mæsta vultu sine viribus, sine  
armis, tumultis suorum prostrata Thra-  
cia, & ad lachrymas illius subrisimus;  
multorum palmare secuti Vestigium jã  
per Hæmum, & Rhodopen jam per Va-  
ticanum & Vavellum nos ferri stupui-  
mus, plurimorum Gentilitiis recepti  
classibus, Istro, Balthidi, Euxino inna-  
tavimus, nihil tamen advertimus quod  
Vetustissima Domus Tua non contineat,  
adeò ut si vel temporum malitiâ, vel




numinum irâ, singularum virtutum  
 imagines interirent, ex Tuis Domesticis  
 absolutissimè formari possent, ne illarû  
 orbis exemplo orbaretur. Desumerent  
 ex Avitæ Tuæ dexteritatis prototypo  
 magnanimitatis lineamenta Heroes; ex  
 amoris Patriæ effigie non fucatum sin-  
 ceritatis colorem Cives; ex incorruptæ  
 æquitatis Vultu, verissimas, Justitiæ I-  
 cones Areopagitæ; & rediret ad maje-  
 states fidelitas, vigilaret sub tentorijs a-  
 nimositas; præsideret in Tribunalibus  
 legum observantia. Servent proinde  
 Te nobis superi; dicam, melius servent  
 Te sibi, qui illorum servando honori  
 natus videris, nihil enim agis quod eo-  
 rum tutelam non loquatur. Imple Capi-  
 te Infulas, qui maximorum Pontificum  
 implevisti merita; æstuas ardentissimo  
 Religionis zelo, inumbrabunt emeritis-  
 simam frontem Purpuratorum Galeris;  
 radiabis proximus solijs vicinitate hono-  
 rum; à quo umbram Protectionis expe-  
 ctans; sine umbra soles Tibi precatur  
 minima

Scholarum Piarum Religio.



895.



# TRIBUNAL JUSTUM

**Q***Vantùm Majestatis amplissimus  
hic Judiciorum Senatus, legum  
Sacrarium reverentiæ, reorum  
insolentia æquitatis, orbitas innocentie  
protectionis à Tuo Honore acceperint,  
tota non capit Lechia, ponderandis suis  
Astræa non sufficit solatiis, nostra tan-  
tùm à longè miratur submissio* **ILLV-  
STRISIME EXCELLENTIS-  
SIME DOMINE TRIBUNA-  
LIS MARESCHALCE.** Succedis  
magno illi Polonæ Libertatis Scipioni,  
non minus inter tot motus & metus nu-  
tantis Curie fulcrum; tantò cum am-  
pliore utriusq; Vestrum gloria, quòd  
purpurâ, meritis, rerum prudentiâ vo-  
bis pares, & Ille Tibi præcedere, &

K

Tu



896 *Tu illi occulto Numinum suffragio, pu-  
blico nostrum commodo, succedere me-  
ruisti. Ambo tutandis legibus nati, cum  
equali Marte pro Iustitiæ palma certe-  
tis neuter alteri cedit palmam gloriæ, Ille  
dum Gentilitiam Sagittam Themidis ar-  
mavit manum, exarmavit crimina ;  
Tu dum Areopagi custodiæ Leopardum  
destinas, accessum iniquitati prohibes,  
nemini verendus præterquam flagitiis  
quæ ideò gravius timent; quia quid esset  
timor Dei nesciverunt. Immortales su-  
peris debemus gratias, talem enim Te  
nobis donarunt, qualem secundum ha-  
bere desperamus, non quod ante Te di-  
gni non fuerint, aut post Te dari non  
possint; sed quod Tu ita omnium ex-  
hauseris gloriam, ut qui Te præcesse-  
runt, Tu fuisse videaris, ita omnium  
compendiasti virtutes, ut qui succedent,  
Tu ipse redire putaberis, idem semper  
& alius, eadem virtute, alio vultu,  
magnus Sanguine, major meritorum  
profapia, laudandus quod tanta agas,  
laudabilior quod agi ea à Te non sen-  
tias*



tias; adeò ut quidquid in aliis gratia, <sup>897</sup>  
aut prudentiæ nobis occurreret, Tua esse,  
jam nos illa vidisse, aut saltem à Te  
accepta arbitrabimur. Necdum annū  
implevisti mensibus, & jam illa exhi-  
buiſti, quibus connotandis sæcula, le-  
gendis ætates non ſufficiant. Alij via-  
rum incommoda, integris edormiunt  
hebdomadis, Tu ſimul Urbem & curi-  
am ingreſſus totum negotijs publicis  
Te impendiſti; non levatis ab itinere  
Viribus, levandis miſerorum cauſis o-  
mnes vires, hoc ipſo ſublimior, ſubmiſi-  
ſti, primas Juſtitia curas ſalutaſti, &  
quomodo valerent, diligentius quaſiſti;  
oblitus Tui, noſtri memoriâ, glorioſus  
famâ, quam de Te accepimus, glorioſi-  
or factis quæ uſurpamus; in hoc ſolum  
illi correſpondere non videris, quòd  
plura præſtes quàm illa nobis de Te  
vulgaverat. Audivimus namq; non u-  
ni Criminum Te poſuiſſe tumulos, tot  
virtutibus erexiſſe Coloſſos ſed tantum  
audimus, nuntiabatur nobis conſiliis  
Tuis inniti ſceptra, ſapientia unionibus



898 ornari Coronas; sed tantum nuntiaba-  
tur, eò cum graviore dolore, quò avi-  
dius quæ de Te referebantur usurpare  
optabamus. Coronavit tandem vota  
nostra dies ille, quo Te supremum  
causarum Arbitrum salutavimus. Nul-  
lus nobis eo serenior exortus, non eru-  
buit Tuam ambitionem, hanc enim  
præterquam virtutis nemo in Te vidit,  
non illachrymatus indignitati merito-  
rum, intulisti plura, quam expectare  
potuimus aut alij tantum polliceri, to-  
tus amotis nubium velis purissimo illo  
cæli oculo Te unum ad honorem nota-  
re, Te avidissime prospectare videba-  
tur. Ipsa Curia litium arena, quàm  
tunc à litibus aliena, non discurrabant  
tumultus, non obstrepebant discordiæ,  
non linguarum, non animorum duella  
spectabantur; omnia ad pacem compo-  
sita, tam longè à turba, quàm Tu à ma-  
ximo rerum turbine ambitu: ut supe-  
ros ipsos illi electioni præsentem crede-  
remus præfuisse. Nemo audebat certa-  
re, quia nemo vincere exoptabat, itum

con-



concordibus in Te suffragiis, in quo <sup>899</sup>  
nulla virtutis & honoris unquam dis-  
sensio cernebatur; conferebant singuli  
dignitatem, majorem à Te accepturi,  
ubi supra illos emineres. Quanta verò  
Tua modestia in excusandis fascibus?  
quæ animi demissio in suscipiendis?  
quàm diu certavimus Tecum, quàm  
tarde vicimus? dicebaris ubiq; Ma-  
reschalcus; dubitabas tamen an de Te  
id diceretur, adeo ut cum merita Tua  
Honori fidem apud omnes facerent, a-  
pud Te solum illam non inveniebant.  
Plures ut regendo legum admoveren-  
tur sceptro, nullum lapidem non move-  
runt: ascensuri ejusmodi fastigium, stra-  
verunt sibi aureos gradus; prehensuri  
scipionem, captarunt affectus; jam ar-  
genteas adstruebant rotas digni Ixio-  
nis rotâ; quô alios præcurrerent, jam  
pretiosis vehebantur leonibus in hoc li-  
bertatis Polonæ Capitolio triumphat-  
uri; superbi Gigantes Dalmatiæ aut  
Hesperia montibus cælum Astrææ ex-  
pugnabant ipsi nec terras meriti, influ-  
L ebant



9<sup>9</sup>ebant plenis Gangibus hanc urbem,  
non sine naufragio sui nominis, Justi-  
tiæ ferrum fuluâ arenâ mercaturi in-  
justi æstimatores, spargebant aureum  
pulverem & excæcabant æquitatem;  
moderandam sibi vendicabant causa-  
rum libram ipsi grave suæ conscientiæ  
pondus; tumidi Pactoli & phalerni  
procellis Serenitatem Honoris expecta-  
bant. Aliâ Tu Procerum Gloriosissime  
supremum regiminis in Areopago Cul-  
men adiisti viâ; non æreis vectus soni-  
pedibus, non petijsti à Gryphibus aut  
Aquilis pennas ut evolares, non per  
Arabie eluctatus colles stetisti in sum-  
mo; præmisisti merita, venit dignitas,  
fortune nihil debes, multa probitati;  
illa dedit suffragium magno sibi Te fu-  
turum suffragio pollicita, illa Te supra  
omnes extulit, quam Tu prius Ma-  
jestate Tui nominis extulisti. Major  
jam in Tuis manibus Tribunalitius  
scipio, crevit à Tua, sacrario legum  
reverentia, ipsa tantum iniquitas mi-  
nor, ipsa decrescunt crimina quibus dū  
rese-



901

refecas capita, nova virtuti erigis capitolia. Nulli tam implicati causarū-nexus quos non explices, mirandus in hoc quod resolves facillimè, magis tamen quòd nunquam ambiguus hæreas utrū possis resolvere. Miserrorum negotia semper à Tribunali Tuo redeunt feliciora; hæc ut vindices, nullos labores non vincis; protrahis in seras noctes judicia, ut acceleres solatia, profundis sudores, & sentiunt se refocillatos iustitiam sitientes; dignus ætatibus quòd ætati non parcas, in hoc tantum intentus ut infirma melius valeat innocentia. Illa tibi cordi causa, quam non auri pretium, non sanguinis nobilitas, non formæ venustas sed æquitas, sed amor legum, sed conscientia commendarunt. Removes ab oculis Astreæ aureas cortinas, & cæcitatis infamiam, quam à tot sæculis contraxerat aboles, optimè persuasus, Gangetico pulvere hebetari visum Iustitiæ, & illius ferrum ubi in pretiosos impingit lapides scintillare odio probitatis. Heu quam multoties



*ex Pannoniæ montibus præcipitata col-  
 lum fregit innocentia, ab argentearum  
 volucrum lacerata unguibus integritas  
 quot vulnera & cicatrices retulit? pe-  
 cuniarijs implexa rotis æquitas sæpius  
 supplicio fuit conscientiæ. Tu cum mu-  
 nificentiam ames, munera respicis id tan-  
 tum Tuum ratus quod donas; nec cu-  
 ras quantum posteris de divitiis, sed quã-  
 tum de fama & incorruptissimis exẽ-  
 plis relinquas; hæc sola pretia non i-  
 gnarus à Cælo & terris æstimari.  
 Odisti venale Patriæ obsequium, gra-  
 tis Te obeundis impendis negotiis, lu-  
 cra præter Nominis non quærendo.  
 Primam curiæ reputas curam, ne ma-  
 nibus aut dona aut vitia palpentur, quas  
 non protendis nisi dum vel crimina pæ-  
 nas merentur, vel pupillorum mærores  
 levare petunt. Quoties reorum vult re-  
 spici potentia, flectis oculos ad legum ta-  
 bulas in quibus minima diligentissimè  
 observans puncta, maximam Areopa-  
 go comparas observantiam, Tuæ vero  
 gloriæ nullum præfigis punctum. Hinc  
 ad*



903

*ad Tui conspectum etiam curules nu-  
tant, Purpuræ pallent, erubescunt di-  
gnitates, cum in illum se incidisse adver-  
tant Judicem, qui ab omni respectu a-  
versus, nec gratijs emollitur, nec terro-  
ribus consternatur, nec nominum reve-  
rentiâ movetur, nihil decedit absq̃ ve-  
ritatis consilio, nihil probat quod cælum  
improbet, ut melius partium discordias  
componat, totus cum rationis & statu-  
torum rectitudine vivit concordissimus.  
Scribentur hæc inter annales sub Tuo  
regimine Sanctiorem evasisse Justitiam;  
lachrymarum exaruisse flumina, curiâ  
deniq̃ non Gratijs sed Themidi à Te  
fuisse consecratam; & onerabis ingenti-  
bus exemplis Honoris Tui Successores,  
quoties ab illis sive in examinandis cau-  
sis prudentiam; sive in decidendis sen-  
tentijs justitiam, sive in tutandis injurijs  
dexteritatem & parem clementiam po-  
steritas extorquebit. Redibis in me-  
moriam sæculorum sæpius, cum similes  
Tibi desiderabuntur ad Scipionem, æqua-  
les ad Senatorios murices poscentur; ad*

*M*

*liber-*



9<sup>m</sup> libertatis tractanda munia pares eligen-  
tur. Conscribet Mars copias? quæret ad  
Tuæ animositatis exempla viros quibus  
castra impleat, barbarorum terras in-  
vadat, triumpho nobilis in Patriam re-  
deat: providebit Consus salvandæ pu-  
blicæ salutis remedia? Tuæ eruditionis  
monumenta pro imitatione proponet, ut  
Senatus auctoritatem, Majestas fide-  
litatem, Libertas integram possideat im-  
munitatem: amplianao numinis honori  
insudabit Religio? Tui zeli inextinctus  
ardor illi prælucebit; & ponet everfis  
delubris, Divis aras; dejectis ambitio-  
nis turribus eriget templa, extinctis sce-  
lerum ignibus, votivas superis accendet  
faces. Nihil namq; in immortalibus  
Tuis rectefactis exhibes quod pro per-  
fectissima virtutum idæa, futuris ætati-  
bus non valeat conservari; Palatinam  
tantum Tuam si evolvamus purpuram  
quæ meritorum prodigia non rapiant  
calamum? non suspendet admiratione  
ingenium? quis gestorum splendor At-  
ticas non illustrabit noctes? non vincet  
Arpi-



905  
*Arpinatum lumina? quis sudorum o-  
ceanus Tullianos non superabit fontes;  
oratorum non absorbebit fluiditatem.  
Videmus indefessum in exantlandis cō-  
munis boni negotiis animum; miramur  
inter tot tempestates intaminatum erga  
thronum candorem; occurrit nobis jam  
sago in arena succinctus, jam togâ in  
Senatu gravis amor Patriæ, ibi valla  
& fossas hostium transiliens, hic tumultus  
& Civium dissidia sedans, ubiq;  
pari virtute; dispari officio, tam armo-  
rum quàm animorum componens bella.  
Non solus laticlavium imples, ut pleriq;  
quos vultus tantum & corporis magni-  
tudo Catones ostendit; eodem Tecum  
subsellio resident augustæ ingenij dotes  
ardens pro libertate zelus, salva semper  
& integra Poloniæ fides; circumstant  
numerosa meritorum satellitia frequen-  
tes publicarum calamitatum turbæ,  
deprimendæ hostilitatis, erigendæ Pa-  
triæ sequuntur Te prudentissima in cu-  
riam consilia; egredienti vero assisunt  
vividior jam Patriæ salus Tuæ sapi-  
M2 entia*



906 *gentiæ antidotis sanitati restituta, opulentior communis fortuna, Tuæ activitatis opibus ditata, comitantur Te deterfis lachrymis solatia abjectis armis quieta prælia; exuto sago pulchriore habitu ornata pax, plenis castris publicæ felicitatis præcedunt auguria, ut nemini de suo bono nõ conslet, quoties Te audit publicis consilijs interesse, nemo de meliori nõ desperet successu quoties Te illis percipit non intercessisse; tamq̃ longe distamus semper à fortuna quàm Tu a munijs Lechiæ obeundis. Si tamen aliquando illis defuisse dicendus es? subtrahis Te privatis ut dones communibus negotijs, ibi totus ubi salutis publicæ librantur momenta, avertis ipsius fata, Tuæ periculis vitæ, utq̃ singuli quiescamus, Tu singulariter laboras, nihil ratus ad memoriam diuturnius, quàm proprijs incommodis, Patriæ commoda providere, ne ægra fatiscat, etiam casibus sustentare, illosq̃ tantum fastis inscribi annos, quos nobis ademimus, ut universorum servandæ saluti contribuamus.*



907.  
mus. Et hac virtutis Tuæ admiratione  
minus mihi videreris dignus, si illo au-  
reo sæculo talis fuisses, quo abjecta pro-  
bitas non jacuit, habuerunt merita pre-  
tium; crimina supplicium, sedebat Cu-  
rulibus fides; exul errabat simulatio,  
eminebat inter magnates sinceritas, de-  
pressi & exanimes calcabantur doli, quo  
nemo non melior, nemo non fidelior e-  
vadere contendebat; postquam verò ar-  
dere dissidia, extinguere amoris Patrij  
facem, multos ambitionis abreptos vi-  
olentiâ libertatis curam reliquisse vide-  
mus & deploramus, quàm magnum est  
Te fideliter legibus invigilare, illarum  
securitati prospicere & sine æmulo, sine  
exemplo certare, ne ulli minor zelo,  
prudentiâ & dexteritate inveniariis.

Nec purpuram beneficio fortunæ debes,  
verùm Tuis recte factis; hæc Tibi illam  
contexuerunt, ipsorum iste labor est,  
non Tyrus at sudores Tibi muricem tin-  
xerunt. Probasti virtutem Tuam mino-  
ribus prius Patriæ obsequijs, ne gratis  
Honorem Tibi contulisse putaretur.

N

Non



*Non processisti ad dignitatem more eorum, qui antequam mereantur, præmia extorquent fascium, ridendi sane; coronam petunt, & non offerunt coronanda. Tu ingentibus ad laticlavium meritis stravisti viam, quò gloriosius procederet, clareq; ostenderes non à Te purpuram sed Te à purpura desideratum. Vexillo Mariæburgensis Palatinatus insignis, sub Tuis signis numerasti victorias; nunquam illa attollens quin spem Poloniæ erigeres, dubiumq; reliquisti, plus ne ingenij in consilijs an ferri in bellis acie valuisses. Senserunt gestari se à Te aquilæ & simul erudiri quàm promptè illis esset volandum quoties vota Lechiæ invitarent. Gravius ejusmodi labarum in Tuis fuit manibus quàm ut levioribus in diuersa raperetur ventis, imò turbulentis sæpius firmitate sua illudens Æolis, meruit plausus & triumphos. Fugisti semper Protheos, qui cum mille formas induant, formam Reipublicæ & sui nominis deturpant. Vidisti sectas nō  
 seque-*



999  
sequebaris, militare nescius nisi pro ho-  
nore legum & majestatis. Exhorru-  
it in nonnullorum signis Polonia, jam  
Leonis in suas neces armati, jam Dra-  
conis veneno livescentis effigiem, in Tu-  
is nulla spectabatur præterquam liber-  
tatis facies, ad cuius propugnandam  
integritatem ut plurimos animares, si-  
millimam deploranti funera Civium &  
fragmenta tabularum colligenti non si-  
ne gemitu; exhibebas. Merebaris tunc  
jam prima in Regno subsellia; contentus  
nihilominus Cancellariæ ceris, quas il-  
lis virtutum species non impressisti? quæ  
gloriæ Tuæ ibi non conscripsisti privile-  
gia. Nullum à calamo Tuo profluxit jo-  
ta, quod altioris non esset apex fasti-  
gij; nulla emanavit nota, quæ famæ  
Tuæ punctum non attingeret. Tuæ de-  
bentur pennæ tot characteribus digni-  
tatum insigniti; Tu namq; vacuas im-  
plebas curules; reddebas Insulis Præ-  
sules, Duces clavis, Magnates purpu-  
ris, Marescalcos scipionibus, Cancell-  
arios annulis; & quoties novo supplen-



910  
dus esset Capite honor, Manus Tua intercessit. Imprimebas sigillum sine ullius oppressione, sub Gemma Tua nulla gemuit calamitas, nulla virtus non pretiosior evasit, in tantaq; negotiorum circumstantium Te frequentia, nemini inaccessus; patuisti precibus ut templum, refugijs ut Asylum, inveniebant jam parata omnes antequam postularent; recedebant cum certitudine Tui favoris, qui cum dissidentia venerant, confusi intra se ubi majora experirentur, quàm sibi audebant polliceri. Insumebas obsequijs publicis noctes; tantò illustrior inter illas umbras, nullisq; defuisti curis nisi prius ipsæ Tibi defuissent, in hoc maxime sollicitus ut unum quemq; sua sollicitudine liberares; huic operosissime vacans ne unquam ab impendenda Tua Patriæ opera vacares. Non colligimus profusos in tam difficillimo munere Tuos sudores, latius exundarunt quàm ut oratorijs capiantur marginibus, imò & manum de pagina amovemus; cum Mareschalcalem Tuum scipionem tot  
Illu-



*Illustrissimorum Judicum sequantur  
Nomina, quibus cum submississima non  
occurrere veneratione, & nostra hu-  
manitas, & illorum majestas prohibet.*

**Tres antiquitati Gratias orbis,**

Vestræ Domui mille debet Polonia,  
quas ferri an auri pretio facilius comparetis  
Themidi relinquimus decidendum.

Loquitur Patritia Litera

**ILLUSTRISSIMOS SKOROSZESCIOS**  
*tam ferri in hostes liberales, quàm auri in Patriam profusos!*

Danæe libertas captivatur!

Joves aureos experitur.

Thracia funera meditatur Lechiæ?

incidit in Feretrios.

Discite posteri! eandem esse gloriæ vitam  
& hosti tumulum fodere, & Patriam tumulo effodere.

Curiam impleverunt laureis;

Senatum ampliarunt curulibus,

Legum tabulas inscripserunt Virtutibus,

*ad sui oblivionem ubiq; boni publici memores,*

*Dum sudores pro regno seminant, Regum amores colligunt.*

**TRES CORONÆ**

**JOANNIS CASIMIRI, MICHAELIS &**

**JOANNIS III.**

Unam dexteritatis & prudentiæ gemmam

in Vladislao Michaele SKOROSZESCIO

Suspexerunt quod sincerum, æstimarunt quod rarum,

amaverunt quod gloriosum.

**VEXILLIFER POSNANIENSIS**

*quò signa protulit, retulit victorias.*

Triumphalis Czarnecii Argo fortunam Poloniæ vehēs

ut ve:

Ex Palat :  
Posnan: Ill:  
D. Nicol :  
Skoroszeski  
Vice Ma-  
reſch:  
Stemma  
Abdank.



912 ut velocius adversos Balthidis superaret fluctus,  
Ille palmare labarum pro velis ministravit.

*Cum totus uni viveret Patriæ,  
ne totus exspiraret, se Tibi inspiravit.*

Succedis in honores Vexillifer Wschoviensis  
tantò nobilior quòd virtutibus propriis illos antecedas.

Magnum à Majoribus accepisti animum,  
Non minoribus Patriæ sedandis procellis provisus.

*Quoties fata climacteres Poloniae scribunt  
Vestra Litera nota est fortunæ melioris.*

Legatus nuper ad Comitia Regni Varsoviensis  
egisti Tullium pro Domo pacis. (vissent.  
Cōsedissent bella; si Tuis animi civiū consiliis conquie-

VICE MARESCHALCUS TRIBUNALIS REGNI

Primus innocentiae Tutor;  
formas decreta legibus non difformia.  
*Litera Tua nunquam iniquitati subscribens  
Scribetur inter annales.*

Nec hic assentationis stylus,  
*Colores ut tua virtus, ita nostra panegyris non amat:*

Ex Palat:  
Posnan: Ill:  
D. Alexan:  
Zlotnicki.

minora nos dixisse quam merearis,  
Illustrissimi Alexandri ZŁOTNICKI  
testis est PRAWDZIC.

At erravimus, Judex est;  
Opressæ innocentiae vindicator,  
assurgentium vindex criminum:  
Hoc ipso aureus, id est Tibi domesticus,  
quod ferrum Justitiæ noris tractare.  
Vigil supra Themidis mænia Tuus Leo  
*pupillam non claudit, ut vitis oculos aperiat.*

Circulare exhibet speculum,  
*in quo Pulcheriae se comant virtutes,  
Turpiliorum scelera maculas erubescant.*

A Tribuno discit  
propugnaculorum esse propugnaculum.  
Orbis hic, sertum Patriæ;

illo



illo ornatur, triumphis desponsanda.

Cum centrum sit gloriæ,  
non tantum supra muros, supra laudes quoque eminet.

Imparem se illis fatetur Mercurius noster,  
*Superfluum ratus aureos exornare Złotniccios*

Ternis avocatur Tubis

ILLVSTRISSIMI MICHAELIS JORDAN  
PALATINI BRACŁAVIENSIS

laboribus in acie, honoribus in curia, gloria in orbe  
vocalissimis.

Ex Palatin:  
Cracov: Ill: D.  
Mich. Jordan  
Palati: Brac

Quid sonent quæris? Nomina & facta.  
Quoties Gradivus diffilare voluit hostes ex acie,  
istas inflavit.

*Venere vocati triumphi, Asiatici canes recessere*

Audiit & honor illarum clangores.

Primatiales Cruces, Præsuleos scipiones,

Senatorios murices, Regni Claves,

in Domum comportavit,

gloria per orbem circumtulit.

Nunquam lætior Polonia, quam ad earum plausus:

*dum canunt hosti funera, saliant victoria.*

Adeo minor esset gloriæ fortunæque Polonus Vistula,

nisi Jordane augetur.

Auxisti & Tu Senatum laticlavijs,

sed magis meritis;

*ornas enim potius, quam ornaris ab illis*

*Illustrissime Excellentissime Domine.*

Dibapha est Tua Purpura

quam Tyrus & Tyras tinxit,

ut simul sit & paci Toga, & Bellonæ sagum:

Tu major utroque;

tam ferri, quam ingenij acumine Cæsar.

*Vnus ipse totius Domus elogium*

*elogia oratorum excedis.*

Proinde Tibi assequendo impar calamus

ŁĘTOWSCIANAM sequitur SAGITTAM.

Ill. Stanisl:  
Łętonski  
ex Palat.  
Cracov.



Neq; hanc tamen assequi potest,  
*Metas enim gloriæ transgressa,*  
*in suo tantum circulo invenit centrum.*

Hæmicyclus hic orbi par:  
 ambit decora, quæ usquam inveniri possunt.

Si plures Stoicorum mundi starent,  
 hinc ad bella heroes, ad consilia sapientes,

ad Tribunalia Licurgi,  
 conscriberentur, peterentur, eligerentur.

Imo Tu unus omnibus sufficis

**ILLUSTRISIME DOMINE;**

in quo Justitia, Prudentia, Fortitudo,  
 thesauros suos deposuerunt.

*Ita Palatinatus Cracoviensis Thesaurarius*  
*Thesaurus es Polniæ.*

Vilescunt Tibi pretia noxas redimentia,

Veritatis tantum valor æstimatur.

Quod nihil terreni manibus Tuis adhæreat  
 erectæ in cælum ostendunt;

& quod fidus sequi debeat

**GENTILITIA PONIENSCIORUM ARGO,**

illis indicantibus discimus.

*Polum spectat, spectanda polo exhibet.*

Fluctus regit non à fluctibus regitur;

nec obsecundat ventis sed imperat,

Per sudorum & Sangvinis procellas,

ad portum boni publici enatat securissima.

*Optimum nata Malum Marschalcalem scipionem;*

*ad nullos impegit scopulos quos nos frangeret.*

Militares gladii pro remis illi serviunt;

his cæsus hostilis Neptunus cruore erubuit.

Nec coronâ indiget,

partis sudore laureis redimita ornatior,

*Rostra tot numerat, quot Cathedras Pontificias.*

Nobilior hæc Memphitica Cleopatrarum navi,  
 gemmis illa, ista gemmeis heroibus ponderosa.

*Aure*

*Ex Palat:  
 Calif. Ill. D  
 Francisc:  
 Ponickski.*



215.  
*Aureum libertatis vellus dum animosè afferit,  
Cœlo inferi pridem digna.*

Sed adhuc fluctibus Patriæ necessaria;  
inter GAJEWSCIORVM radiet LVNAS.  
Noctibus præsent, nulla die Polonia non profunt.

Ex Palato  
Calif: Ill:  
Francis:  
Gajewski

*Soles quos numerat Lechia illustrarunt,  
Decrescendo sibi, accrescunt bono publico.  
Gladius illis intercessit Mavortius, ut faceret pleniluniū  
Gloriæ, Honoris, & Fortunæ.*

Adoravit eas Turcia depositis Capitibus  
aliàs idololatra, hic tantum religiosa.  
Lucem, quam a sole Maiestatis recipiunt,  
Podoliæ refundunt Phæbo.

*Candore in Patriam albescentes serenant.*

Jllæ Polonia, Tu illarum splendor

JLLUSTRISIME DOMINE.

Credimus placere Areopago noctes, sed non illunes.

*Causarum Cimmeriæ, Vitiorum Vmbriæ  
gemino sideris Tui oculo clariùs videntur.*

Ad illarum splendorem

Oculatissimus Criminum accedis censor

JLLUSTRISIME DOMINE

JUDEX PETRICOVIENSIS.

Fasciæ Tuæ nodus resolvit causas

quas aliorum acumina nec attingunt, nec attentant.

Sub hoc velamine melius videt Justitia,  
alias futura cæca, nisi Tuæ daret Fasciæ oculum:

*Sicubi enim nascitur innocentia  
hâc implicata explicatur.*

Nexu isto ligata Crimina, sistunt cursum.

Virtus nunquam liberior quam in his vinculis.

Ita fontes feris ut operias:

*lachrymas nullas vides, quas non abstergas:*

*Non tam inferre, quàm alligare vulnera assuetus.*

Orbis Polonus Tuæ Sphæræ obligatus est.  
quoties enim Caput Reipublicæ gravius laboravit.

Ex Palato  
Sirad: Ill:  
D. Stanis:  
Rychtowski



RYCHŁOWIANA medicante FASCIA convaluit.

Noverunt Te Comitiorum Sacraria,  
in quibus sudores pro libertate sacrificasti,  
& scissos Civium Animos colligasti:

*ad nullas sensibilibus iniurias, quam publicas.*

Sive in Confiliorum, sive in Martis arena  
*idem es & Omnis Patriæ.*

*obscurus ratus annos quos Reipublicæ obsequio nō illustrares.*

Ita RYCHŁOWIJ sibi nasci ignorant  
nisi toti vivant libertati,

& cum universale bonum Lechiæ ambiant,  
Minimas quoq; Scholas Pias complectuntur:

*Non ignari parvis etiam rivulis*

*Maxima augeri flumina.*

*Nec solum Lunâ, stellis pariter noctes illuminari.*

Hærebit æternū in vinculis Tuæ gratiæ nostra gratitudo,

Cui una libertas sic illigari.

Ex Terra

Viel: III:

D. Stanisl:

Karśnicki.

Vnde Tui quoq; Accipitris

ILLVSTRISIME DOMINE

VENATOR VIELUNENSIS

Stringimus pedes, ut Tua vincula mereamur.

Grandioribus hic assvetus prædis

Aquilas amore, Leones armis venatur.

Summorum gestatus manibus

Nihil capit quod non sit Patriæ ad gustum.

AVGVSTO DENHOFFIVM CAPVT Sapit;

DENHOFFIVM CAPVT Tuæ prudentiæ sale cōditur.

Nec Alitem Tuam gravant soleæ ne ad soles evolet,

hoc ipso digna meridiem spectare gloriæ,

quod ferri fulgore delectetur.

Quocunque volat, auditur ex fama;

ex triumphali soleæ vestigio cognoscitur.

Nec alæ vobis desunt, nec ferrum

hoc graves in barbaros descenditis,

illis ad vota Patriæ volatis,

ubiq; famam promeriti,

Et



917  
Et hæc est Martiæ Tuæ volucris indoles  
& pennis Poloniæ applaudere & hostibus sono æris pa-  
Vnguibus cicatrices Trhaciæ infligere (rentare.  
Soleâ vestigia gloriæ exprimere.

Sublimis trophæo Crucis  
publicæ securitati prospicit.

Annuit nostræ veritati *Caput Tuum*

ILLVSTRISIME DOMINE  
VEXILLIFER ŁANCICIENSIS.

Veneramur illud; Jovis vertice divinius est:

cum & Minervam & Bellonam pariat.

tam ingenij quàm ferri acumine insigne.

*Id vero gloriosum, Caput esse vaginam gladij:*

*tunc cithyrem arripere, cum ratio porrigit.*

*nám ex consilio venam incidere, salutare:*

*acquirat valorem vilitas ferri, à prudentiæ pretio.*

Proinde non miramur cataphractam vestram manum

ultra Domum se extulisse cum gladio,

Toti namq; orbi Polono profuit,

quòd semper ingenio libraretur.

*Nullus ex vobis Scævola*

*quia nullus in feriendo hoste erravit.*

Fidelitatem in consilijs vel inde colligimus;

*quod ita Capita illis impendatis Ephestiones,*

*ut ora non indigeant annulis sigillari.*

Imò quomodo illos Domus vestra habeat?

cum Tu unus

libertatem Lechiæ, Fortunam publicam, & Themidē

amori Patriæ subarrhaveris.

Ita ubi Tu sphæram & metam gloriæ excedis

gloriosè gestis,

Nos invenimus metam *Columnam*

ILLUSTRISIMI DOMINI

CASTELLANIDÆ BRZEZINENSIS-

Ultra hanc nullus honor Hercules processit.

in illa Joves, nomen statoris invenerunt,

P2

Polo-

Ex Pal  
Łanc: Il  
D. Felic  
Grabski.

Ex Pala:t  
Łanc: IUD.  
Francisc:  
Walenski.



Poloniæ status quoties nutavit,  
*ab avita ista basi recepit firmitatem :*  
*cæcus furor hostium nunquam adortus, nisi adoraret.*

Vile saxum ne dixeris !

illustratæ illo purpuræ, ornatae Infulæ clariùs radiarūt.

Aram potiùs marmoream crede!

*Amori Patriæ, salutis publicæ, legum vindictæ consecratâ.*

*Non unam isti victimam Thracia immolavit.*

Quàm proficius hic Poloniæ lapis !

ex quo templis altaria, victoriis colossi, libertati  
 propugnacula surrexerunt.

Rescindit sine mora barbaris colla Gradivus,

si mucro hac cote acuatur.

Salire quoq; hæc moles faxea novit,

Sed ad Martis tubas:

*tot Lechiæ construens Thebas, quot hostibus mania diruit.*

Oblivionem Tui Nominis non metue

JLLUSTRISIME DOMINE,

in Patritio marmore Tua facta notat Polonia.

Ex Palat: Spectaberis semper altior fatis in Gentilitio obelisco.

Brest: Cu-

ian: Ill: D:

Andr:

Dqbski.

Nos pondere triumphalis faxi fracti  
 Sub umbram DABSCIORUM ARBORIS deflectimus.

Matura hæc semper Operum & Honorum fructu  
 vel primo ætatis vere Autumnum agit gloriæ,

*Ramus tamen illius exitialis colubris*

*qui livent veneno Poloniæ:*

*istos minimâ etiam sui umbrâ enecat.*

Dijis sacra;

nec invidiâ temporum, nec fatorum insolentiâ carpitur.

Quoties Religio Cathedris, Curia laticlaviis,

Gradivus clavis indigent, ex illa fabricantur.

Una omnibus servit,

*tam paci oleis quam Bellonæ laureis assueta pullulare.*

Regum quoq; frontes eius frondibus inumbrari amāt,

ut ab æstu curarum protegantur.

*Primis culta honoribus nunquam vota Patriæ elusit.*

quàm



Quàm pretioso gemmet fructu; doces,  
ILLUSTRISSE DOMINE  
CAPITANEE NAKLENSIS.

219

cuius Virtutes, nihil non aureum Orbi exhibent.  
Vidimus etiam inter scythicas hyemes non arentem

Tuam plantam,  
dedit plumbeas glandes Asiaticis apris,  
quoties fami suæ aurea libertatis poma quæsierunt.

Fatidica hæc arbor,  
*fundit in Consilijs oracula, & Astreæ votis respondebit.*  
*secuta illius prudentiæ ramum Iustitia,*  
*spectabit florentis fortunæ Elifios.*

Nec vanum Vestræ Dodonæ augurium; (perit.  
en & Agnus ROSCISZEWSIORVM felicitatis ver a-

Nunquam sub hoc signo non floruit Lechia:

Quidquid in culmum adolevit gloriæ,  
referatori veris florem debet Arieti.

Meretur anni Princeps primam honoris lucem,  
*qui ut diem communis fortunæ protraheret,*  
*noctes hostilitatis attenuavit.*

Severa illius mansuetudo

Scythicas hyemes non timet sed timetur;  
ut enim illimem servaret Vistulam,

*Borysthenem sæpius turbavit.*

Verum non palmis tantum in hostico pascitur,  
etiam domi oleæ pacis præstant nutrimentum:  
*post furores barbarorum, Gratij Regum fovetur.*

Pro cornibus gerit Infulas  
nec aliud pedum, quàm Pontificale sequitur.

Candoris illius imago in Te spectatur

Illustrissime Domine.

Nemo Te sincerius suscepit Patriæ obsequia,  
nemo continuat perseverantiùs.

Ponderas judiciorum stateram  
ponderandâ à posteris diligentia

*Causarum momenta, quæ multos latent,*

Q

momē

Ex Terra  
Dobr. Ill. D  
Franciscus  
Rojcißewski



*momento Tuus Agnus referat.*

Celeritatem ejus oraculorum sequitur Ala Tua

ILLVSTRISSE DOMINE  
VEXILLIFER SANOCENSIS.

Ex Terra  
Sanoc: Ill. D.  
Adalbertus  
Lvi

Sentit aliàs cadavera vultur,  
hic à vitiorum sentitur cadaveribus:

*ita namq; æstuanti metu succumbendi  
præstat flabellum innocentie  
ut noxæ flagellum exhorrescant.*

Phæbum Te in iudiciis orbis admiratur;  
idem est Tibi & aureos clementiæ radios  
& justitiæ sagittas jaculari.

Obteris scelus soleâ, ne relinquat vestigium;  
probitatem Cruce erigis, ut gloriosius triumphet.

Et hæc est vera Vexilliferi gloria

*Sub signis numerare virtutes  
de vitiis victorias reportare.*

Auro ideo ponderandus ADALBERTVS;  
quod & Te, & Tibi minùs aurum ponderet.

Tanto pretio magis æstimando

Leopoliensis & Sanocensis Terra collatis honoribus,  
valorem adjecit.

Levis pagina Te non sustinet;

& adhuc grandi CETNERORVM Nominis  
centipondio oneratur.

ex Palat.  
Ruf. Ill. D.  
Ios: Cetner.

Fractum Hastile frangit ingenia.

Sudavit vobis ornandis Honor,  
minùs tamen purpuræ reddidit,

quàm vos pro Patria sanguinis effudistis.

Dexteritatem vestram inde æstimamus,  
*quòd confractâ ad Caucasum hostilis pectoris hastâ  
integra trophæa referatis.*

Sub signo Tuo nunquam venalis libertas

ILLVSTRISSE DOMINE:

pro qua illi cadere, sublimis gloriæ status.

Vbicumque defixum,

in



in palmas Patriæ, hostibus in taxos pullulavit.

Quoties Mars Tuus generosâ excanduit irâ,  
triumphales ex illo flammæ emicuerunt.

Tange feliciter gloriæ annulum!  
inscribet Tuo labaro immortalitas,  
Virtutes, quas unus omnes expressisti;  
Famam, quam vocalibus rectefactis elinguaſti;  
Annos, quos hostibus adimēdo, salutis publicæ cōsecraſti.

Et si quidem immortalitas connotanda

Tua suscepit opera

Nos operam laudibus impendimus

ILLVSTRISSIMI DOMINI

MICHAELIS GORECKI.

Non indiget Scholaſtico illustrari Phæbo

Suæ virtutis meridie clarissimus.

Nec humili potest attolli stylo (tissimus.  
tam Nominis quàm Caſtri Chełmenſis faſtigio eleva-

*Facta non faſti unumquemq; commendant.*

*Is maximus gloriæ gradus, quem nobis merita conſtruūt.*

*Laude digna agere, non laudari palmare.*

Tibi cūm domeſtica rectefacta, aliena nō quæris elogia,  
tot naſtus oratores, quot virtutes.

Proſcribendo terris crimina,

Tuæ famæ monumenta ſcribis:

*Soles face non indigent ut illuſtrentur.*

*Oceanus nullis fluminibus maior evadit.*

*Athomi montes non augent.*

Gentilitia Domus Tuæ Alex ad obſequia Patriæ velocior  
quàm noſtra penna in ejus encomia.

Evolavit ultra oras terræ, & ora Tulliorum:

non exæquamus illius alarum remigium;

maximè cum Avitæ KRASNODEŦBSCIORUM

ſoleæ veſtigia Stylum poſt ſe evocant.

Hæc obterēdis criminibꝰ, obfirmādis virtutibꝰ proviſa:  
quocunq; graditur obvius habet plauſus.

Arenam nullam preſſit, quin hoſtem opprimeret.

Ex Terra  
Chełm: Ill:  
D. Mich:  
Gorecki.

Ex Palatin:  
Podlackiæ  
Ill: D. Ca-  
ſimirus Kra-  
ſnodebſki.



*Notavit campos quos barbari fugerent,  
Patria aeterna coleret gratitudine.*

Inter Mæothicam uliginem nunquam diu hæsit,  
fulmina terrarum Scythas ad palmam semper præcurrēs.

Tantum Poloniæ lucrum est Tuus KRZYWDA  
ILLVSTRISIME DOMINE!

Sed Tu ipse non minùs.

Ditior Lechia æstimandis Tuis meritis.

*Errasse nulla consilia vidimus, Tuam secuta soleam,  
Steterunt firmiùs publicæ spes, hæc solidatæ.*

Difficultas lapidem obijcit?

aut transfilit, aut si chalybe impingat,  
elicit flammam Patriæ triumphalem.

*Cruces amat, hostibus Crucis, hostis:  
illos dum calcat, hanc levat sublimiùs.*

Multum suspicit vestra Numen vestigia,  
quæ ut præmiatur, tam nobili signo notari voluit.

Ita dum gloriosissima Domus Tua  
ferro struthiones barbarorum animos ad mortem alit,  
Nostræ eloquentiæ KARWOWSCIANVM POMVM  
gustum proritat.

Aureum id Poloniæ, hostibus plumbeum  
*cui carpendo dum manum mittunt, amittunt.*

Ex Palat:  
Podl. Ill: D.  
Casimir  
Karwowski.

Ferrea Gradivi mensa  
nunquam Lechiæ sapuit sine his bellariis

Phenellæ malum crede:

nec hoc fatalibus Turciæ, sagittis caret. (servat.

Ita Domus vestra & Poloniæ solatia, & barbaris terrores

*Pulchritudinem Virtutis vestræ agnoscimus,  
cui tam pretiosum Dî munus cesserunt.*

Palladem quoque illo non abjudicatis,  
cum vobis commune sit & oraculis consilia,  
& aras virtutibus illustrare.

Regum id gestamen,

Princeps nomen etiam Tuum reddit grauius  
ILLVSTRISIME DOMINE

Coro-



Coronam Tibi merita dederunt, Avitum Decus Pomū,  
nos supra fata imperium optamus.

Sed jam gustui Regum porrigit illud cicurata manus,  
veloci in obsequia Patriæ Sagittæ stylo cōmendatum.

Proinde submissum potius adorationis  
quàm orationis cultum

vertimus ad Avitum Domus Tuæ Agnum.

ILLVSTRISIME EXCELLENTISIME DOMINE  
PALATINE RAVENSIS.

*Ex Pal. R. 10  
In: D. Hieron:  
Zaluski.*

Quis enim non adoret? quæ orbis Domini à corde habēt,

Agnus hic Majestatis decus,

Senatūs Majestas, munimen libertatis:

Ornat Regum purpuras, quod coronandum;  
protegit Regnorum salutem, quod sanctum,  
fovet populorum securitatem, quod gloriosum.

*Pectorum tutela, cordium delitium, amorum amor:*

*Ecce hici Zodiaci signum Princeps.*

Meretur aras publicæ felicitatis victima,

in quibus tabulas Legum devotus appendit honor,  
& Cancellarias Regni ceras accendit.

Imo qui toties Asiaticos lupos victimavit orco,  
meruit in tot Præsulibus ZALUSCIIS bicornes Infulas;

*ideo Pontifex, quia hostia boni publici:*

*Ita meretur omnia, qui de omnibus bene meretur,  
& nixus in Reges ac Rempublicam candor dignus est,  
ut Senatorio murice erubescat gloriosè.*

Sed quid vobis è Tyro purpuras quærat Patria?  
candor vestri Agni sibi murex est:-

Purpuras quas exornatis gerendo  
texuerunt merita, sanguis & sudor tinxerunt,  
Regum gratia dedicavit.

Tua hæc, Tuorumq; domestica decora

ILLVSTRISIME DOMINE,

quæ nos cum toto orbe admiramur.

Candor Tuus in Patriam auro scribendus, non sæpiâ.

Istud porro virtutis Tuæ miraculum est:

R

quod



quod gravissimus Senator, nec gravas nec gravaris;

*Curas Patriæ attollis, dum tollis  
nullus Tibi occurrit, cui non occurras  
natus publicis, mortuus privatis commodis  
ut in bonos Agni clementiam,  
ita in hostes leonis iras induis.*

Quin & vidimus Agno Tuo duce, leones triumphatos.

Et Polonis cessit ad gloriam Aquilis  
quoties ab illo in arenam præcedebantur.

Sequitur illum & in hac judiciorum acie

### AQVILA BRATOSZEWSCIANA

Ex Pal:

Rav: Ill. D.

Samuel Bra-

toszewski.

tantò gloriolior, quantò bellico pulvere deformior,

*Candidatorum hæc una cerussa est atrox Martius:*

*amat honor Fulgentios à fuligine bellica:*

*& quos Mæothica palus denigravit, exornavit.*

Armorum Jovis hæc Ales,

non tam ministra quam præfecta.

Quàm prope fulminatorem Jovem accesserit,

hinc colligimus

quòd pennas in carbonem definere pro gloria habuerit.

Timete vobis Gigantes orientis!

Media hæc Aquila; totum vobis funus apparat.

Cimeliis ornatam videtis? vestra spolia sunt;

quibus illa pretiosior Regni gazas inter conditur.

Infers Tecum hoc ornamentum Astreae

ILLUSTRISIME DOMINE NOTARIE GOSTINENSIS.

Pénas habes quibus proscribas vitia, subscribas probitati

nec præponderant apud Te gemmæ potentum

gemitui pauperum,

qui Avitis dives es decoribus,

ipse gemma Judicum, & Judiciorum corona.

Ferrum Tu inferis

Ex Pal:

Margab: Ill.

D. Paul:

Iaroszewski.

ILLUSTRIS: DOMINE VEXILLIFER PŁOCENSIS

Sed auro & gemmis pretiosius.

*Tam diu enim orbis æstimatione*

*altiores fuimus Poloni,*

*quam*



quamdiu ferro contenti, auro imperia ditavimus.

925

*Struthiones illi maiores nostri*

*gemmas Antoniis ad luxum*

*Sibi ferrum ad ludum hostium reliquerunt.*

Nec Themis alio delectatur ornatu, quam Chalybis;  
ideo comptior, quia comi non desiderat.

Perennat in Domo Tua tanta gloria ferri,  
cujus capulum non aurum ornat, sed solea.

*Veri hoc insigne equitis gladius soleatus.*

Vestigium simul & vulnus infert;  
Amoris in corde Civium, doloris in cervicibus hostiū.  
Volent aliorum gladii, Tuus incedit solea pōderosior.

Quidni ergo in elogia Tua Hyppocrene saliat?  
cum tibi idem sit manu,

quod solea Parnassum tangere.

Quamvis Tu ipse Tibi sufficis in elogia,  
doctior Pallas Tua, dum Patriæ sudat in consiliis,  
Themidem colit in judiciis;

dignius adorari non potest, quam à Tua Musa.

Et jam Numina Lechiæ adoraverat Pietas nostra,  
jam aris singulorum deposuerat anathemata paupertas.

cum Tu post omnes inter primos accedis

ILLUSTR: DOMINE BURGRAVIE CRACOVENSIS

Cultū Orationis Tibi nō impedere crimen nostrū esset,

quibus quot SZEMBEKIJ tot faventia Numina.

tota Domus una Patrona;

Quem verò Principes *Celsissimi Primatis* mitræ,  
quem Aquilæ Regni ILLVSTR: CANCELLARIJ,

quem virtus, & Oświecimensis Districtus vota,  
inter primos locant,

postrema venerari submissione,

vitium est orationis.

Dabis tamen veniam non tam errori nostra  
quam Tuæ modestiæ;

dum primum Te virtutis merito,  
ultimum ad dignitatem Judicis accessione fecisti.

R2

*Quid*

Ex Distr:  
Oświec Ill:  
D: Peti:  
Szembek.



*Quid peccat umbra!*

*Si non indicat solem, nisi præsens affulserit.  
Nec ferrum magnetem, nec stipula sequitur electrum,  
donec præsenti virtute raptantur.*

*Et hæc erit prima Tuæ clementiæ materia  
Crimen nostrum, & non nostrum.*

*Occultam enim potius providentiam  
numinis veneramur  
destinantis nos ad proprios Tuos honores.  
Erit, quando modestiam Tuam honoribus  
maçtabit Patria,  
tunc in venerationem Capita consecrabimus;  
& crimen hoc,  
profusis in encomia Tua sudoribus eluemus.*

*Et jam tot adoratis Numini-  
bus, adhuc cultum debemus Majorum  
Tuorum Imaginibus ILLVSTRISSI-  
ME EXCELLENTISSIME DO-  
MINE MARESCHALCE. Præ-  
misimus illis Te Ipsum, ut facilius judi-  
caretur, quanti fuissent, qui Te tantum  
successorem reliquerunt. Vixerunt o-  
mnes Tuæ gloriæ, Tu unus omnium,  
tantò nobilius, quòd Patriæ obeundis  
munijis solus sufficias, quæ illi singuli  
obiverunt. Arserunt devotæ publico  
bono, amoris ignibus victimæ; sed Tu  
eorum corona; extenderunt cataphra-  
ctam*



927  
Etiam manum ultra orientem; sed Tu il-  
lorum palma, ornarunt aureis consiliis  
Curiam, sed Tu Procerum gemma pō-  
dus ipsis auges & valorem. Quid e-  
nim de tot restaret Nominibus, nisi Tu  
viva Antecessorum historia, illos vixisse  
orbi Tuis operibus erudires. Quæ Ca-  
pitolia triumphis impleverunt, quibus  
curulibus eminuerunt, quid pro Deo &  
libertate egerunt? non est necesse ut in-  
quiramus, Te ad eorum cognitionem sa-  
tis est vidisse. Quàm illis asper vultus  
contra vitia, quàm clemens erga virtu-  
tes; quàm gravis dextera in hostes, quàm  
levis & liberalis in innocentes, quàm  
velox animus ad gratias, quàm tardus  
ad iras fuerit; ex Tuis moribus legimus,  
quorum ita concentraſti recteſacta, ut  
etiam de Tuis plura addidiſſes. Tam  
amplum Nomen Tuum, sub quo tot la-  
tent Aborigines & patent in Te, nec  
dedignantur minores eſſe, superati ma-  
gnitudine gestorum, dummodo Majores  
Tui audiantur - Alios incuria Natu-  
ra proyctit in terras; cum illis levan-  
dis,



des, altiores non suppetant cunæ, descē-  
dunt in Avorum domos sola vetustate  
& fuligine tectorum famosas, veniunt  
in Paternas ædes; & excipiendis novis  
hospitibus non triumphales Antecessorū  
occurrunt currus, nudos & sine mayo-  
rum imaginibus inveniunt parietes. Te  
nascentem victores exceperunt Chypei,  
stravit infanti Bellona palmas, in fasci-  
is reptanti servierunt fasces; lachrymas  
tergebant purpuræ: deprehendisti stem-  
mata in tholis, in monumentis nomina,  
obviabant ubiq; in arena cataphractæ,  
in Senatu togatæ, in templis Infulatæ, A-  
tavorum illustres Vmbrae, hilares tanto  
Nepote, hilarior Tu quod invenisses quas  
clarius illustrares. Adeò late patentem  
Domus Tuæ ingressus es arenam sed  
proprijs virtutibus fecisti ampliorem.  
Nullius in Te non spectantur lineamen-  
ta. Frontem tenet Magnanimitas, re-  
sidet Capite major maximis resollen-  
dis negotiis Prudentia, in Ore jaclat  
se Affabilitas, Dexteram prehendit  
Munificentia, in Pectore publicæ salu-  
tis



tis amor regnat, totum deniq; corpus 929  
illo spiritu plenum, quo extincta Patria  
posset animari. Habet in Tuo Nomi-  
ne firmissimam propugnaculi Petram  
Leckia; amant hic Regni nidificare A-  
quilæ, unde ad solem melioris fortunæ  
semper rectâ evolarunt. Habet in Pa-  
tritio Leopardo excubias, nemo illo ve-  
lociûs ad palmas excurrit, nemo forti-  
ûs obsistit æmulis barbarorum viribus  
nullas fossas, nulla mœnia pro salute  
publica non transilit; nullibi sine plausu.  
Habet in Palatina Tua Curuli, fati-  
gata bellis, fracta Martis Vulcaniâ li-  
bertas reclinatorium quietis & respirij;  
habet Iustitia in Mareschicali scipio-  
ne grande fulcrum; cujus in extincto ze-  
lo & in corrupta æquitate dum totum  
Areopagum sustentari videmus, etiam  
spes nostras illius singularissimo favore  
fulciendas non desperamus.





930.

RECORDED & INDEXED


JAN 10 1881

AcA











Biblioteka Jagiellońska



stdr0024832



